

忠義


七言絶句

麻	文	門	内
五	函	架	和
四	冊	架	書
一	冊	架	類

卷十冊

内閣文庫	
番號	和 18341
冊數	10 (1)
函號	205 79

205-79



利平子...
此月...
...

草文庫

私學講談所

肅
館

空華室歌為義堂禪師作

空華無蒂從何生目前襟殞森從衡
得非目眚華乃成幻起幻滅無實形

道人空華掎其室應知此室終非實

日
成
幻
住
幻
壞
空
與
彼
空
華
體
元

豈獨此室如空華是身世界曾不差

涅槃生死亦復爾聖名兀號寧堪誇

道人燃坐此室內一心廓爾空三際

淺草文庫

和學講談所

盡藉

館

空華室歌為義堂禪師作

空華無蒂從何生目前襟殞森從衡
得非目眚華乃成幻起幻滅無實形

道人空華掬其室應知此室終非實

幻住幻壞空與彼空華體元

豈獨此室如空華是身世界曾不差

涅槃生死亦復爾聖名凡號寧堪誇

道人燃坐此室內一心廓爾空三際

日
時
同
成
道
人

體元

手握寶劍金剛王擊著須彌成粉碎
空本空子華本無趙州壁上縣胡盧
篆烟半銷月在牖窅々永夜栖團蒲
洪武九年倉龍在丙辰春二月五
日巳丑龍河傳法正宗堂之東軒
書全室叟宗泐識

友人信義堂禪文偕熟餘力学詩風騷
以後作者商叅而究之最於老杜老坡
二集讀之稔焉而醞釀於胷中既久矣
時或感物興發而作則雄壯健峻幽遠
古淡衆體具矣若夫高之如山嶽深之
如河海明之如日月冥之如鬼神其變
化如風雲雷電其珍竒如珠貝金璧以
至其縱逸橫放則如獵虎豹熊貅之猛
然角之掎之其力不得蹙假焉紫巖之
喧黃鸝之嫩其聲於是無耻乎旣然不

以已所能之功為自伐也。非惟不自伐
爾。視之如空華。醫於病目。故目乃集曰
空華。吾先覺為淵才雅思。文中王祇夜
伽陀梵音妙唱。令人樂聞。然亦謂諸佛
世界猶如空華。亂起亂滅。不昂不離。義
堂設心在焉。自非禪文偕熟者。安能如
斯之為耶。延文已亥春中正叟圓月走
筆以為空華集之序云。

空華外集

七言絕句

擘開玉峽千尋水。收得驪龍一顆珠。
袖裏携歸東海上。靈光睽奪萬珊瑚。

題友竹堂行卷

一別芳庭見未由。空江風雨夜颼颼。
芙蓉窈窕薰葭葭。冷不審黃華尚健不。

懷翁芳庭

翻著香林旧楮衣。忍持七佛古威儀。
縱然白壁埋成土。願力如山寸不移。

悼壁山和侍者出隊而亡

侍者參得禪了也。洪波溺殺白頭師。
荷鋏今日向何處。烟際暮山青上眉。

和建長實翁送岳侍者奔本師喪

報恩只在負吾時。何必重尋落髮師。
火後茱萸收拾了。飯來一展巨峯眉。

說禪不必要多徒。妙舞寧將地福拘。
沔水六人成大器。醋

酸元不在葫芦

寄善福友竹堂

臘高可怕居人上年少寧嫌受戒遲不見藥山老尊宿一
生自肯做沙弥

送察沙弥登壇受戒

聽得春天雷一聲知它彌令為誰行相陽城外泥溝裡驚
起蝦蟆努眼睛

聞雷戲作

見說逢春患眩眸知君對境懶擡頭早明色即是空意花
在霧中看真愁

戲和患眼荅了義田

滿腹清冷俗不空供僧煮茗好提持雖然火底耳煩惱也
勝危身在井湄

詠湯瓶

看尔老鴉頻浴池要同鶴白也難為不如仍旧黔而黑免
使群禽特地疑

因看鴉浴戲作

朔風十日口如絨搖舌閉唇豈可堪好在玉泉揮玉麈春

風春雨說江南

送華姪兼東玉泉師兄

為夢西山空晚對窗窗每坐向西簷山奴不解夢山意未
到黃昏下卻簾

黃梅西軒即夏

東隣西舍鬪豪華冷淡那知別一家兄弟不嫌風味少夜
深和雪嚼梅花

黃梅塔下分歲

四月青梅半帶酸霏霏細雨又黃昏憑君為報將軍道止
渴先須護本根

送恢上人為黃梅幹夏西謁幕府

我與故人緣已了今朝何更惜睽離慣從第五橋東過鷗
鷺尋盃憶旧時

和挽朴復初

立規何必方丈寬著虛明屋七間一寺不行摩竭令人
未問法便開關

常州勝樂叙建方丈

土木勞、建勝基牽犁拽把正斯時傍觀冷地應相笑業

債難逃尔自為

次韻荅端主見寄藏

浴下毛生穎似錐囊藏不肯露天機年來蠹蝕鋒鋸盡拂
拭憑君試一揮 戲以京華寄了義田

新歲山中有底榮萬年橫出一枝生世間希有瑞如此三

佛何曾在四明 和圓覽大喜師試筆二首

細心濛濛只麼未如膏如霧又如埃知它端的從何出莫
是宗師法施開

洗閑病眼看新篇強似金篦刮膜蠲讀到空華每帶處腫

人拍手笑軒然 患眼次韻荅蔭大樹見題

春雪如節師又似奔病夫正患眼花昏西隣有客應乘興急

喚山奴緊著門 春雪口占戲隣庵僧

阿師喚我一何頻春雪還它搵玉新盡大地人成道了鰲

山未必限三人

和韻戲荅隣寺薰恬二上人見招

新寺開基額掛門此中別是一乾坤報君莫掃塔前雪留

伴梅花月一痕

送梨與荔香古天首座善簡九峯無碍二老

新摘山梨尚帶酸贈君只恐不堪食好和蜜漬荔又喫風
味三人共一拌

捨得優曇片、花裁成五色赤城霞煩君莫憚擔頭重送

與同人擬木瓜 送肯侍者附寄古庭瑞世寶軸

端的先師忘未忘此行驗過有何妨鉄鍬撥出黃金骨如

拈旃檀片、香 送侍者拜本師塔

送盡歸鴻客未行詩成何處欲尋盃吟邊留得教竿竹寫

出江東日暮情

和友人留別詩

兄弟相逢一笑時五臺山月照峨眉蓬頭施面人應笑樹
下藏身好便宜 題樹下寒拾戲岳雲登兄

未為庶苑千僧表旧話重論一段緣入佛入魔成底事荔
支釘出素公前 次韻賀圓覺首座

輕薄見窮交恰似狂風過樹梢不是知心天鑑叟柴
門那許別人敲 戲荅圓天鑑次韻

杜門十日患風癘誰問生耶與死耶今日諸公未發藥免
教口眼致喝斜 次韻病中謝諸友見訪

木奴誰種護禪庭蟲不侵知有靈我欲擘皮供熟炙風
霜須向九秋經 詠庭前橘樹

庭前接梅宛有凌霄之態蓋俗謂氣條也

愛梅何必貴橫枝千尺凌雲也一竒直節高標雖背俗長

松脩竹恰相宜

冰容不上時人眼故著臙脂染小紅詩說夢梅如相馬莫
將毛色看追風 次韻詠紅梅

近來不見碧雲流新句忽看紅葉秋欲采芙蓉醉佩玉沙
頭驚起白双鷗 次韻戲荅璞素中二首

辛苦十年螢雪光老未空覺髮邊霜世知文字竟無用閑
却鄴侯書一床

換面重來要度人那知滿面是埃塵放光動地不無汝還
我紫磨金色身 重鑄佛像旧模真金改作銅像

正續院佛牙舍利寶篋偶有穿窬之患任倡記之二
首

七寶鑄成無縫塔那知勾賊破吾家殷勤詆與捷疾鬼老

鼠口中無象牙

寶塔偷開金鎖鑰靈光夜射海王家吾儂見怪不為怪冷
地只消三鼓牙

海隅風俗每歲除夕前消吉日洒掃屋廬謂之掃塵
倡而記之

年窮歲盡事如何掃洒門庭淨似磨颺下禿苔還自笑滿
頭滿面受塵多

一槌打倒涅槃臺何處堪收阿母骸落日空山松柏路刻
舟覓劍撥寒灰

送克維那奔母喪

知識門三路不同脚頭步三覺城東三千里外水雲客八
九月天西北風

送雨華岩參方

假面人前弄幾場翻身不在爪牙長許教哮吼一聲去手

脚看他怎覆藏

送弄獅子人

水中有月爛如金貪看開窓每夜深病眼忽然成茅二獅
猴跳入碧波心

題水月軒目患二首

水月光中宴坐時廣寒宮蘸碧榴瑤三更定起齧身轉觸
破波心月一規

柔不能支弱不持故將引蔓託松枝低顏下色元非媚貴
在鬧花結子時

錦屏方丈觀紫藤花呈通叟禪師

掩翠李落水東流不覺一年春事休簷外藤花猶引客笑
顏應助主人留

鹿苑方丈窓前牡丹花戲次一與二韻而詠之

道人只合坐焚香何事看花眩粉粧色即是空三即色憑
將此語問空王

聞說沉香亭下宴，謫仙醉筆賦新妍。爭如野死談經處，白鹿啣符獻法王。

開花要助散花香，為約童兒護薄粧。莫遣春風狼籍去，為雲作雨感襄王。

妙香池畔喫茶去，一句酬親義已多。生畫筆頭磨盡墨，書經七軸更如何。

圓覺知容書蓮經報親，誓首牽陀天上尊。降臨何日救迷昏，衆生業海深如許。五欲波濤拍渾，次韻奉寄三會龍湫師兄。

千里同風上大人，話頭一舉一回新。海東今代諸尊宿，世解區區望後塵。

蒲蔽泉門貴策勳，僧中誰復起斯文。猛陵大士如椽筆，揮向韓公氣吐雲。次韻寄賀臨川大林書記二首。

信口狂言沒白窠，徒教世俗苦譏訶。鼠肝摸得双虫臂，優劣知它較幾何。

普賢重整象王駕，弥勒已拓鷄足衣。安得獻花從此去，一筇烟雨伴君歸。

送運上人歸臨川兼簡春屋法兄，故人七夕寄書音。徵我平生百拙心，乞巧年來忘俗習。今宵未免又穿針，七夕得故人書。

諸老登臨真正闌，十分爽氣滿人間。是誰斫卻月中桂，風露蟾宮夜不闌。迎秋樓。

西瓜今見生東海，剖破猶含玉露濃。種性不同江北枳，益人強似麥門冬。和西瓜詩。

城西竹寺昔同遊，俯仰俄驚雪滿頭。記得清涼池上月，狂歌一夜送高秋。懷旧遙寄德叟上人。

緘題惠我兩前春望外情深愧故人憶在龍門亭上日
三點出驗未賓 謝天龍旭知容惠茶

即席用前韻謝嚴海二書記志登二侍者

死水難藏活水龍茶盃何似杏盃濃使人轉憶香林老親
侍詔陽十八冬

文章學得茅屠龍小艷吟成意欠濃爭似寶雲高閣上暖
煨芦菔且過冬

欣開青眼對蒼髯倍覺山林氣象添桃李輿臺看不到祇
應梅竹共同檐 次韻題對松軒

道人手鑿煎茶水勝似中澗与谷巖半夜客未和月的團
煮出白銀蟾 擔月泉 探得巖蟾二字

閑花本自春三月結子今方見滿條慣倚長松千尺勢軍

持裡面世凌霄

詠瓶中凌霄藤

信衣容易付盧能南北紛々著刀爭輸與松山別傳底白
雲掛在羊簷橫 寄題松山雲衣軒

此去惠林三日踏踈慵笑我欠經過青鞋布鞵他年約亦
甲白鹽牽與多 次韻送僧之甲陽

櫻花每趁仲春開不藉春風著意催怪得今年開稍晚含
情應待主人來 二月庵前櫻花未開有懷而作

海棠不入杜陵篇流落巴雲蜀水邊幸是櫻花無此恨開
顏得近法玉筵 陪大喜師觀櫻花次有作

三年不任禁城遊幾度東風喚客愁今日暮簷春雨裏對
花猶認旧風流 雨中對花

高風大節老蒼年緊著門闌謝世緣且待蒲輪未勸駕花

毳毼出萬人前 次韻荅傑翁英西堂

輦下招提西又東 因君歸去思重孤雲海角三年夢落
月長安幾夜鐘 次韻送僧歸京

菩提說道本無樹 今見總前有一株 放出馨香千萬斛 何
妨薰倒嶺南盧 九峯席上走筆戲詠總前菩提樹

佛曾成道菩提樹 堪笑癡人尚守株 今日九峯重指出面
前突兀百彌盧 九峯即和聊復荅之

病後重逢九日辰 詩篇豈復闕清芬 黃花一任遲遲放白
酒從它細細醺 重陽戲和荅陽谷

尋常種菊赴重陽 一樣翻宜十月霜 好與梅花同歲晚 冰
飈雪兒闌清香 菡後瓶菊

侍者叅得禪了也 麒麟不受玉鞭長 春風禁苑遲遲日 瑞

草靈芝步之香

和賀圓覺侍者

犀扇破來牛亦已 豈無舊詔重商量 曉來收得一團雪 留

任明年六月涼 謝大喜和尚惠扇子

敢將文字說西來 有口三緘學不閑 誤呼一盃薑杏了無

端惹得眾人吃 和荅無得首座見賀

東山今作罵天翁 口不停談疾似風 一二煩君牢記取 寄

來與我擊昏蒙 寄賀建仁燒者津絕海

圓覺記室寮北軒 扁曰耕秋壬寅夏忝職于茲有感

而作

軒扁耕秋意若何 古人晚節與應多 虛名却似鉄鑪步不
見黃花插旧窠

烟耕雨墾種秋香 準擬東籬一夜霜 驚恐兒童不曉夏 樞

苗太早誤重陽

新秋軒下種菊

炎天種菊趁秋期保育難如立趙見多謝此君知此意碎
身粉骨護東籬 因修菊色謝人惠竹

耕秋軒下種黃花日涉工夫髮已華安得芙蓉同晚節結
成三五護吾家 覓木芙蓉栽寄蔭大樹

小詩換得拒霜花我向秋軒趁歲華只恐後來人不采西
風吹夢落誰家 重和謝大樹見惠

欲傳妙語到無窮未叩深、蜜室中一線放開鉄門限何
妨落筆快生風 用旧韻呈長福賢翁和尙

真正舉揚人不甘草深一丈復何談瑞峯世似婆心切愧
俚棚頭搭戲衫 因觀戲呈勝樂不遷法兄二首

地窄從教舞袖長貴圖隨處立宗綱千楹萬礎黃金宅不

得其人世不光

甘草黃連苦与甘相逢一味打清談臂長袖短君休怪竇

小從來破布衫 重和

不與諸方較短長如何赤手起纒網時來拾得一莖草幻

出金銀百寶光

蟠桃著子三千歲方湖徒云三竊膏爭似砂鍋煎橘飯夜

深一椀味逾長 走筆和韻方無外病中口占十首

言寺闲房養病身臨機不讓睦州陳我未欲問平安否生

怕推門拶著人

多少尋山海外遊翰君生地討其法與來寫出碧雲句歷

倒高僧湯惠休

有甚工夫讀法華天寒日短少人過翻思老素好言語入

佛何如更入魔

白雲鎖斷六門頭
洞水難教放逆流
話到踈山倒倚處
一場閉目食蝸牛

善財着甚去南詢
消得文殊隻臂伸
將謂頭顱都換了
看來只是旧時人

詩癖憐君到骨深
幾回踏月步松陰
昔人解笑飯山瘦
今日何心更苦吟

人我如山推倒了
此中誰順復誰違
一雙蛺蝶高低舞
無數蜻蜓上下飛

休處言休即便休
熱熬底用更添油
老胡不解安心法
航海茫茫過幾洲

故人贈我一封信
中有驪珠萬顆明
闕罷還須深十襲
不

消擲地作金聲

甲陽壘紙白於雲
歸去題詩獨羨君
無限邊風吹鴈過
寄來早晚慰離群
送人歸甲陽

三度喚時三度應
信陽山似鈿鎡鎚
殷勤惜取娘生脚
慎勿輕二踢指尖
送侍者歸信別省親

侍者參得禪了也
信陽八月棗如瓜
昆侖未可輕吞却
爛嚼還須吐出滓
送侍者歸信別

絕學道人吾正慕
知它端的學無為
不應尚愛閑風月
醉裏詩班被俗窺
戲和絕學首座詩

分歲今年計未成
乞鹽乞米幾營營
那知白水真人到
一笑春風滿面生
壬寅除夕謝錦屏通叟分歲

幅巾野眼前朝老
經卷薰爐出世僧
解后新年重話旧
江

湖夜雨一青燈 席上次韻新年範學士過不喜師房
為問昔年行脚日 何如新歲看經時 百城烟水貝多葉五
十三人柳粟枝 卒和岱宗西堂看華嚴經
年：此日惜年芳 樂欲題詩効草堂 今日梅花應笑我眼
昏看不到宮粧 人日患目不赴詩筵 戲作謝之
老饜留得一團糕 回看人間合餉誰 鍾鼎之家應弗重好
投標畫暖吟脾 送白糍与賜谷叟戲作
直標不作橫斜態 清節何嘗受俗塵 高卻浮圖千尺勢一
枝占斷上頭春 詠華嚴塔前凌霄梅次韻二首
肯同桃李競街衢 剛直由來絕世無 造物怕人嫌不韻 粧
將春色媚須臾
幽花不受雨頻催 可怕含羞白晝開 傳語尋春買園者更

須點燭夜深來 庭前櫻桃未開 戲荅友人
池邊冒曉看魚跳 恰值桃花漲怒濤 時到雖然得雲雨 元
龍有悔莫登高 甲辰上巳次韻戲荅了義田二首
典午風流隨逝水 右軍筆蹟逐驚濤 只今上巳如堪畫 添
个觀魚興更高
故人三日未供茗 手自煎成衮、濤話到寶蓮 莊上夏笑
它桐飯釘盤高 連和前韻三首 謝義田訪
跡洪明一祖 皆陳跡獨見文翁 筆捲濤彈歷蘭亭 成質本流
傳懶徑價逾高
懶徑諸公皆出世 肯容慾阮雜戎濤 鹿門它日尋今約 招
隱何人節獨高
芦蕪煨將換得禪 不知此去結誰緣 冢、壘甍多相似 且

住東山下石邊 次韻留少林侍者

三度頻、謁上方半窓每見掩斜陽東風似解留人意吹落梨花滿路香 訪法泉太素不遇

問訊山中玉版師分身赴供是何時病夫獨卧黃梅雨佇看龍孫出一枝 戲寄錦屏通叟覓笋

今夏諸莊併弗收未憂米價貴難酬天公賜我山前麥喫了便、飽即休 食麥

圭可沙弥年十三食牛之氣已耽、趙州老矣應羞避零落青刖一布衫 戲贈圭可沙弥

苦熱有懷小山竹間壺隱亭子住此寄主人能叟居士

三界炎、火一團就中誰復得輕安壺公隱處天如許一

榻橫眠萬竹寒

參得寶山文字禪此人更覓送行篇蘇別有也常別有月

在長松恰、圓 送淨智牧書記歸常州長松山

古人百萬買隣意豈止相親接面容午爨平分千尺井夜

禪共聽一林松 次韻呈隣庵大喜師

水赴雲奔門外客未朝平等法中王若令侍者高二接一

個無人到上方 賀圓覺請客侍者

石田曾侍破庵書後百年過潤有餘君既同名亦同職不

應魯字寫成魚 寄賀建仁書狀

惠遠當年送陸陶溪邊一咲事寡、幸今居士容持戒省

得相講過小橋 謝能叟居士見訪

檀梨自是少人嘗没在山園闕縈霜送向買公堂下植他

年遺愛繼甘棠 遂梨栽與能叟

奉左武衛命三詠詩同 故令叔大休寺殿

明月傷神本在秋不知春夜有何愁勸君收取双泪且
向花前酌一甌 其一春月催泪

紛二世事亂如麻旧恨新愁只自嗟春夢醒来人不見暮
檐雨泻紫荆花 其二對花懷昔

早知夢幻本非真何必區區更濕巾尚有夢賢心未忘緇
衣篇裡憶斯人 其三因衣哀傷

白雲不聞師有偈贈煥侍者歸京次韻兼簡

西雲東陵東山別源二大老云

上人結束故鄉歸休看天邊野鴨飛宇水秋來如箭急快
須葦取截流機

白雲有偈贈君歸時見秋空一鴈飛憶得西雲老尊宿年

登八十已忘機

白鷺橋邊送客歸憑將一語慙分飛曹家女子頭如雪歲
晚拖梭弄錦機

重刊百丈旧清規十卜千千字疑送與東禪憑校定藪
林古格貴人知 賀穎中山住東禪贈 勅脩清規

次韻和芳庭贈小師操侍者歸江州省親兼謁

大守遂赴 京師見 天龍春屋茅持默庵

上陽大士鬢如霜拋去何為昔法堂學道已成恩未報秋
風吹夢便還鄉

節去黃華尚耐霜憑誰采二葦公堂江州大守應思旧未
放秋香老一鄉

在二叢林葉正霜知君此去上誰堂仲靈大覺僧中月今
見聯輝出帝鄉
寒砧夜蒼滿城霜有客無衣憶北堂羨殺行人歸去早明
朝秋水白鷗鄉
鄙塢黃金空爛二大倉紅粟謾陳三詩成一咲梅花下別
是人間富貴春 寄題富春軒
斤骨收來玉篋並聽它擲地任金聲當年不入羅籠手鳳
子冲天五色明 和悼周侍者
西山深處久潛蹤喜見今年起臥罷行兩未容便歸去更
須沛澤洒千峯 次韻荅東勝渭大清十章之作
憶昔追攀乃父蹤樓高百尺臥元龍誰知一榻上方晚獨
坐看雲眇五峯

十載重逢話旧蹤瑞龍過了又天龍對床夜雨更何處添
得青龍个一峯

陋邦未可滯高蹤杯水何容羨大龍且看癡翁光孝後峨

峨五髻歷諸峯

要把斯文繼祖蹤功成不似學屠龍隆興大士編年筆卓
在須弥第幾峯

蚤歲京華寓客蹤幾曾附鳳又攀龍三山逝矣東陵老今

日憑誰話鷲峰

子陵不踴故人蹤文林飛為天上龍今夜同床伸脚睡不
知明月落誰峰

平生出處本同蹤歲晚俄驚一化龍記得西山曾夜話幾
乎怒枕擲雲峰

東南佛刹足靈蹤近海多來獻寶龍靈徹有詩題未到請
君吟上最高峯

五雲深鎖帝師蹤中有奎章映鳳龍怪得諸郎相次出萬
年松在祝融峯

一幅京綉寶墨蹤筆勢活如龍鹿才可笑玄沙老白
紙緘將寄雪峰

次韻寄呈空山和尚

雪峯寫出同風句塗抹還如水墨龍爭似少林消息好一
枝嫩桂出双峯

一刃翡翠教莖蘆楊柳垂絲燕影孤更想道人三昧筆一
揮寒拾兩顛奴

題恭上人画重求

秋暑今年酷似焚苧衫惠我意何勲著未毛骨涼於水誰
較青洲重七斤

謝九峯惠涼衫

花節人三任出游怪它墨客獨吟秋海城自是風濤惡春

夢應難到白鷗

春日和素中秋字

父母恩深豈不歸雖歸慎勿戀庭園老盧本是鬻薪客傳

得黃梅夜半衣

遂傑斗山歸常州省親

蜀錦吳綾及越羅風流不在著衣多重二破綻重二補暑
往寒未莫管他

布衲

南岳懶殘惟愛芋天台寒拾總能詩那期今夜空山道一
笑相逢月上時

和蒼中心與點岩二上人翫月

追悼演宗講師寄其方外友小田居士

惠遠西歸喚不回蓮花漏水咽哀三空餘旧社泉雷葦采
采秋香薦一盃

夜來夢入海南鄉松已蒼髯翁已霜曉鼓擊三催客起歸

田欲賦未成章

觀諸友滌明采菊詩卷戲題其尾

素中上人匪藏錢彙舉自贊牡丹芙蓉梅竹同幅之
畫蓋天下絕品也予欲借一觀上人戲予曰子若和
吾詩當以畫為報世喜不自勝連和第二章幸勿食言
云尔

牡丹富貴醉為卿梅竹清寒配拒霜等是錢郎筆端妙欲
馭佳賜欠新章

梅翁竹文本同卿刺著芙蓉一朶霜獨羨傾城真國色承
恩早得近龍章

心如秋月好生觀映奪摩尼五色寒真向雲居輕露出點
昏尊者眼難瞞 送心月吾藏主之雲居

余既任前偈送心月而行迫夏不遂焉屬秋八月天

龍虛席

朝廷有旨再起吾雲居春屋禪師俾補其

缺先是寺再厄鬱攸及茲舉也人咸喜曰寺其復興
矣上人興又動遂欲理前步求予和旧韻以終其事

是夕也天陰氣晦山間無月乃延心月於一覽亭西
望龜山披雲叩檻而歌二而弗止遂成二章云

秋陰月黑少人觀半夜憑闌想廣寒好看天龍指頭上孤
明歷々不容瞞

心月相逢子細觀不圓不缺逼人寒二山只解尋光影對
面今明被眼瞞

六年九月十四夜天影無痕月似冰看到曉鐘不成卧老
蟾應訝坐禪僧 丁未九月十四夜對月而作

十五夜邀璞衡二詩友游葆光窰說月連和三首皆

紀實也

定起三更待月升滿懷都是一壺冰涼光窟裡來移榻添
得哦詩兩個僧

洞口唵呀疑月窟初寒透骨欲生冰夜深衲被蒙頭坐彷彿
天台入定僧

微風不動夜澄二月上青天一片冰野鳥不知清興遠催
歸時喚出游僧

既出涼光窟步于桐陰魚外天香二老又未遂成五
人時月影在地殊可掬也復和前韻

五老相携吟步月心融一似春冰夜欄立盡梧桐影今
夕應魚拂袖僧

次韻答崇大岳并叙

戊申冬予初識大岳於阿剌補陀後十年丁未秋九月
十七夜冒雨訪于屏陰叙旧見和予詩宛有鄉情之態
聊復作此

貯清閣下水冷二六月游人口飲冰那料深秋風雨夕補
陀僧對立臺僧

九童書翁隱文軒二喚起晉徵君相逢只恐攢眉去懶日
煮秋菊擬一醺九日書翁隱文後

筠篔滿釘百枚梨傾出枚二慙別離鬪笑唐家天子賜只
將兩顆當恩私謝翁芳庭惠梨

久嚮清流思一漱今宵且喜枕流眠寒聲洗濯塵埃耳直
欲尋源到冽泉宿清流寮戲呈冽泉九峯

謝德堂齋藏主惠佛光與魚象手帖和二首

一顆摩尼人不識如來藏裏秘多年德堂今日重拓出先
佛光明燦大千

滿幅淋漓寶墨痕十年旧好兩翁存新絃只合鸞膠續風
雨何時對榻論

山園橘熟九秋霜每摘令人憶法昌冬夜今無感首座者
般風味與誰嘗

冬夜未陪話雪霜挽回古意道還昌仰山熟柿揚岐粟賓
主同梓頗三嘗

寶峰德藏司轉位后板乃欲歸覲佛心大林和尚任
得贈之

藏裡摩尼擊碎了夢中謔語復何尋天寒歲莫平安雪又
欲齊腰覓佛心

白髮垂三四十三登樓乞巧我何堪寄言織女佐嬾拙能
事文章付阿咸

丁未七夕書祖姪詩卷

丁未臘月九日夜宿武陽山田庄戲呈同旅大喜
南泉當日過症上喫個油糍被鬼瞞今夜山田同一宿只
燒楮松當朝資

丁未除夕次韻酌方無外并叙

余甲辰除夕在圓覺挫方無外端介然二子訪九峰於
祥光守歲聯句今夕獨坐錦屏山中不能無感云

憶昔相攜下鹿峰它山守歲夜鳴鐘今宵獨坐岩房兩日
事關心又一重

戊申正月六日雪中謝鹿山陽谷洎諸公之至

北負尊者同垂訪驚得空生睡眼開豈料諸天潛助供空

中簇二散華表

悟峯居士趣何佳人日來尋道者家不厭菜羹淡無味更
教和雪嚼梅花 人日雪中謝悟峯居士至

立春戲作奉謝萬年大士及諸公之寵

柴門邀客試春盤蘆菹葢菁共一食情厚不嫌滋味薄太
家齊唱萬年歡

途中遇用章華山大澤三兄洎諸公而戲作

賤子去臨龜谷水諸公來看錦屏雲相逢一笑回途上雪
後春泥泥袖裙

中心子建諸友入山值雪一宿及曉興發登一覽亭

小子怯寒不出戲作小詩

諸君覺夢雪中山借屐登臨趁曉看一箇頭陀殺風景地

爐燒餅破朝寒

拓起布毛吹向風客心片二逐春鴻錦屏有句遠難寫它

日重來聽晚鐘 和旧韻送巧上人歸上陽

鹿峯侍者月潭圓辛苦醜親寫妙蓮拋下筆頭須好看寫

行斜度海門天 圓侍者書蓮經報親

一春三見屏山白添得君詩霽似雲才拙自嘲輕闌巧老

翠搖曳石榴裙 用韻答中心

前年訪我城東寺面帶岡山幾片雲聞說江湖仍引與買

舟典卻木綿裙

雪後出山塗中誤跌遂宿于黃梅有作戲寄山中諸

道人

魚端乘雪出山行顛倒泥塗洗不清應是道人供冷笑生

禪只合學聖生

平生不憚路行難一躓方知老步難報洗足生來還自笑出行不慎被泥羈

錦屏山裏旧岩房正想春泉漱玉香猿鶴莫嫌歸去晚雪餘泥滓没人黃

雪水煎茶詩妙哉讀之睡眼豁然開同句中况有淡中味濃似陪筵啜一盃

跋雪水煎茶詩 傾蓋途中會即休可勞踏雨到山頭長安旧識如相問但道僧来一默酬

和薰自南偈以謝下顧之意且餞云風吹梧桐子落地俯拾驪珠顆二圓暗裏投人應拊劍不如歛佛作香錢

拾梧桐子戲作 一勻清流煮冽泉餘耳分我意何專老夫懶甚貪春睡喚

起惺二打坐禪

謝九峯古天二兄惠茶

来宿梅花樹下房雪殘經案月殘床已公不作羅浮夢吟到天明帶也香

戲呈陽谷 荆隱移蘭意出應知雨露本同春二香欲老秋香吐祖塵苑聯芳次第新

次韻移蘭 病夫懶賦硯生塵無奈蕞蘭照眼春送與已公茆屋下梅花同夢句還新

重和盆蘭答實天見賞 二月八日雪中余出山過福山方丈會主人中岩禪師謝事將歸東山旧隱臨行席上出示曰作二篇其

一則去年中秋師在東山岡池值雨有感為詩曰鑿沼意期今夕月其如漢二蔽秋天二憐老病添吟若

故遣禪窓聽雨眠其一則紀夢也余輒和中秋於默

菴論公之後五首因記前歲冬館葦寺與默菴夜話
篇未及之遂假筆圭不琢併寫奉贈中岩無簡默菴
云

不勞特地開方沼春水臨窓碧蘸天况有樓臺留好月莫
將聽雨夢閑眠

夢隨歸鷹去翻二千里長安只尺天借問秋窓吟雨苦何
如夜閣聽松眠

如喜重開新世界誰知吉夢已通天東山冷話左邊廂好
在逢春闕上眠

近江太守迎橫榻靈樹神君送上天自悞病夫難出餞身
如駒在櫪中眠

福山示我默翁篇正是春寒雪落天記得前年投宿處存

公打坐齋公眠

正當吾佛涅槃日恰值頭陀落髮時霞樹春回花一吐二
千年後見孫枝

上人銜訃欲歸家一語聊將助奠茶真遣空乘枝上泪等
闲濕卻佛袈裟

竹篔敲出鳳凰兒千里雲霄綯打儀須憶海山烟雨裏碧
梧吹老旧桺枝

蚤歲東山共竹房分攜十五度星霜相逢認得春風面雪
後梅花韻更長

福山手段辣於垂一見遭它黑竹篔想汝心腸如鉄石不
離左右逐東西

送魚見侍者
初僧相見二魚見游子思歸三不歸魚見四時歸亦得五

橋春水鴨爭飛

源相公筵承命賦三詠題天神祠二已

為夢梅花倚水潯昔人曾此泪沾襟祇應夜二枝頭月照
見忠臣許國心 梅邊懷旧

天使行香走百靈歡呼豈獨帝延齡行人拍手居人唱路
不荀糧戶不肩 神前焚香

青松相映白花開好事天公巧樣裁多少尋春車馬客幾
人曾問歲寒未 松間見花

午窓獨掩睡初濃春夢尋君過水東相見未酌芳草句覺
來茶鼎吼松風 謝素中惠茶

春寒伏枕錦屏陰世事悠二付昨今何處玉人歌白雪一
聲二入暮雲深 病中和友人春雪詩

湘累逝矣涪翁老寧可無人遂不芳靈徹胸中冰雪句吐
未字二盡天香 和舟清川蘭詩四首

人皆覓圃三春草我獨閑收九畹芳非是懶隨兒女態世
間無似此花香

滿城桃李引人忙何暇去尋空谷芳好事林僧真可笑披
襟冒棘認幽香

一種幽蘭出海鄉形容不減楚江芳騷人且莫嫌香少在
德須知不在香

崇重難將折簡招有懷暮二又朝二不知春雨泥粘足何
似天寒雪沒腰 戲和陽谷詩謝雨中垂訪

諸賢不拒楚人招踏雨而未及早朝一椀楠茶擊未暇千
章鉅軸已牛腰 重和

憶昨來尋雪後天新吟喚起我春眠青燈今夜山窓雨讀
罷那堪泪洒殘

題萬宗侍者春雨詩後而追悼之

世傳木筆是虛名才薄何嘗望管城小摘登盤充菜茹免
教竊貪負恩榮

戲賦木筆筆自嘲

春風吹破野辛夷恰值山僧空鉢時名字不須呼作筆正
堪和酢喫充飢

又和中心詩同詠

臨渴區區覓井泉只圖念佛者心專勸君會取西來意莫
問它家文字禪

病中次韻荅大岳文字之問

詞鋒淬出古龍泉拙語相酬恐未專湯沸茶鐺聲瑟瑟大
唐國裏本無禪

次韻荅中心煮茗談禪之語

二月廿夜大風達旦空花病叟力疾下座就西窓下
訊梅蘭二盆花皆無恙矣喜而作詩每謝中心大岳

之訪

二月梅花似病翁無聊瘦立百華中知心賴有蘭兄在不
怕江頭昨夜風

阿戎病起興何濃還欲題詩遍海東紅葉谷中未試筆朗
吟萬壑夜生風

次韻荅大岳病起之作

蓬萊海底起紅塵又見花開水殿春座上不須來十客祗
應一笑為君新

次韻水仙花荅中心

好風一陣起香塵三友未尋谷口春故遣水仙招楚客
脣滄若共嘗新

次韻荅濟川春江玉林三友見賞水仙及蘭之什

風吹木葉塔前走片雪令吾感槩頻千載橫隄人去後夜
寒誰復擁趺人

落葉有感而作

山為城世海為池中有難提新摩基更好鋤雲栽竹去年
二產出籜龍兒

戊申夏瑞慶天池庵成次韻賀之

福山以亭藏主扁室曰懶雲小窩今在伊陽而需余
銘二則不敢姑作詩二首以代銘曰

懶雲出岫豈無心應向它山作雨霖病樹摧殘幽谷底何
時分潤及寒林

閻藏主為龍華師兄入碑三會院作偈為贈兼簡春
屋龍湫二老

龍華會上則因緣臨別念三拳不全迎葉師兄今出定阿
難依旧世尊前

隻臂千鈞老未衰麾回佛日出崦嵫全身已入毘盧閣莫
是曇花瑞應時

次韻不聞和尚因病辭建仁請

囊中寶墨積成叢字二看未畢竟空我既無求君莫惜家

鶴野鷺任西東

戲荅春少林寶墨之問

送選書記歸赤松山

并叙

戊申夏前寶林大同禪師遷主福源未幾示寂有上足
金仙選記史將奉骨石歸山而塔之有感作二偈贈行
其一則兼寄赤松公自天居士通方外之好也

阿師靈骨玉珊二包裹歸藏何處山潭北湘南住著眼蒼
龍不在窟中蟠

為僧不羨居宮寺肯羨人封萬戶侯但羨金仙方外去
裝穩伴赤松游

幾本杉栽辱惠時蒼然已有棟梁姿不知出處高多少曾
映樽乘第一枝

謝樽桑庵主惠杉栽

應安戊申冬十一月廿日前長樂大本禪師中公示
寐于信陽珂里之保福蘭若越若干日訃至烏手正
宗將滅邪論橫生丁茲時也宗門逸失黼黻之才可
不哀哉遂檢遺藁得唐律四句者一篇折成四章以

擬挽詞曰

不見故人音問久那知一夕成烏有刺舟覓劍真區區留
得遺文在座右
傳書不的幾疑鴻卻憶追陪談笑中官樣文章攀不及禪
林雪月且容同
眼穿遙望春天樹腸斷杜陵日暮句阿翁白髮心應孤望
尔重來侍巾屨

夢斷空山半夜鐘月殘長樂幾思公可憐輔教春秋筆埋

向水崖雪谷中

福慧双全不足論何妨赤手起宗門句中有眼明如日映
奪樽乘若木瞰次韻奉寄臨川龍湫二首

曾游歷要重論有寺臨川水映門最憶老禪從足起晨
鐘敲出海東曠

一樹山梅寂寞濱冰枯雪老不知春東風似管遊人到連
夜開花點點新黃梅樹下謝友人訪

己酉歲九月二日夜大風破屋明日及午乃止余時
在圓覺石屏作三偈無簡堂中首座東谷一笑

二年九月三日朝狂風翻屋瓦飄飄誰知堂裡老迦葉宴
坐如山屹弗搖

故屋脩未幾朝回首又被疾風飄老天薄相真堪笑三

界誰家不動搖

疾風畢竟不崇朝一任飛蓬片一飄但看自家方寸底
毘嵐鼓海鎮搖一

紛一稚子竟三車畢竟何人得到家法界為菴如是住諸
天散下萬天花 上此山和尚次韻

送承瞿上人歸吳兼簡陸公廣文先生以謝詩文之
賜云

見說曾參魚隱禪籙列的一是生緣鐘聲喚起南歸夢月
落楓橋夜半舩

為報河南陸雪樵聞名恨未識仙標錦屏秀句義堂字掛
在禪窓照寂寥

自憐厄閏黃楊木退縮年一病未蘓多謝秋風未濯熱不

惟忘我亦忘吾

戊申閏六月十九日立秋大喜韻

送俊仲英兼東京師諸老及無得首座次九峯韻

三年共看瀑泉飛此夕那堪送出扉欲寫離愁持贈別塵
埃秃筆不勝揮

嵯峨嶺上白雲飛忽憶慈親倚夕扉破衲衝寒歸路遠此
心合抵萬金揮

滿眼叢林木葉飛此行何處叩玄扉中興章寺諸禪將玉
塵風生恰一揮

老我無由伴錫飛天寒况懶出岩扉煩君說與眉間劍不
是誅龍輒莫揮

北斗低邊天上寺禪翁定起出禪扉魔雲掃盡天如洗佛
日回光不待揮 用韻上雲居春屋知尚

淨智莊嚴已策勛西方大士笑忻之更須倒跨象王背
踏乾坤空馬群 寄臨川大法禪師

東昇曉日出扶桑助發重之海印光闔國之人皆斫額
洪波白浪接天長 送東昇侍者奔李師海印喪

吾欲池魚豢作龍汝緣何事不相容爭如穩占蘭苔上管
取和烟一睡濃 戒翡翠

五老香爐杏靄間浮嵐軟翠狀應難幾人不帶看山眼飛
錫徒勞到此山 和什物外三憶詩 擬憶房山

行脚買穿三耳鞋此心早已自孩提百城未到跟先斷颺
在趙州東院西 擬憶西湖

尊者靈蹤不易尋石橋隔在海雲深舩舫未跨先相見對
面何消接語音 擬憶石橋

萬年枝貫四時春優鉢曇開日之新薄供偶然堪一笑猷

花還似猷芥人 送櫻花上正續大喜老人

西上長安路幾重送君因憶五橋東清游家如深秋夜雪好
晒蘆花月一篷 送光侍者簡東山月篷和尚

已酉二月十三日因事謝事瑞泉有偈留別道人
三年土木苦囚山幾度求閑未得閑慚愧赤眉憐我困負
將夜半出重關

兩鬢碧玉倚寒烟彷彿雲居二老禪千里相思風雨夕夢
魂飛入幾重天 次韻畫竹謝無得兼簡寒溪

十八日府命屢至再歸瑞泉自和旧偈

白髮重來任此山倚人笑我未耳閉青氈旧物依然在月
對松門夜不關

典午風流王子猷興來訪戴水悠々老夫亦欲尋君去且
待山陰雪滿舟 送猷雪舟

紀夢一首奉戲義田上人兼簡東谷通依雲岳三友
昨夜夢游東海濱看花臨水飽青春曉來一覺知何處白
鷺双双故趁人

東谷初生惠日光點成惠炬轉煌々不消鑿壁偷隣燭餘
焰分來爍十方 謝東谷見惠蠟燭

金寶山中產楚材譬如白璧歆三回勸君養得成大樹一
道蔭涼天下闊 次韻芳庭贈寶山楚材翹首座歸京
袖中收得真金寶放下如何空手回見說中原來海貨門
門鋪席闔新開

中原本出君王寶收拾何妨到一回祇恐九重闔鎖緊虎

環豹衛擊難閑

次韻贈益友石 并叙

士岐氏兄弟幾人皆才士也伯仲二人謁吾 先天龍
國師授衣更名伯曰信永字長溪仲曰淨諲字金鼎填
篋互奏倡吾少林之曲厲伯氏捐館仲氏哀甚有絕絃
之嘆而此歌詩寓諸書尾以寄其方外曰友石益公上
人上人出以示余有曰百年胡蝶泣連枝之句殊使人
悵然今上人也將尋金鼎公踐香火約也臨去索予和
韻予雖未識金鼎既忝同衣則知其為同心也可必矣
遂和四章以餞上人兼柬金鼎以助其哀且為它日投
刺之先容云耳

賁公不負杜陵知未往風流第一枝想見高齋投宿夕焚

香歎、話幽期

一臨別聽君說項斯使人眷、想瓊枝何當對瀑軒中去共
赴三生月下期

未曾面識已心知元是蟾宮第一枝風露冥、攀不到祇
應千里共襟期

一曲哀歌一絕詩悲風吹上紫荊枝閑情寂是長溪水日
夜東流無了期

璞素中見贈瓷碗當心有蛟龍出水之勢蓋曲盡其
妙也作偈謝之

故人贈我定州瓷中有蛟龍弄水嬉祇恐一朝得雲雨青
天飛出碧瑤池

橘花何處送香來酸味無端舌底回霜后更期芳谷雙一

样分我慰吟懷 追和石室橘頌戲答春芳谷

追和大喜和尚韻賀義田首座住平田精舍兼戲九
峯

勤苦新開一片田上方香積在山前勸君莫倦鋤頭力看
取秋登九月天

不因大義便開田萬頃平疇自目前恰有九峰同掩把深
、耕出水中天

一夜思量去買田江陵山下寺門前不知容得卓錫否我
个松苗看到天

太和侍者來相訪驚起岩間打睡僧因話金剛幢下事回
前突出鳳臺層 次韻謝建長大和侍者見訪

遺像耳深屋漏新孰能認得祖師真錦心綉口黃金骨點

出須憑今主人

次樊夢堂韻禮濕州祖師像

聞說玲瓏岩畔寺故家喬木老楸梧誰知昨夜扶桑曉玉
兔懷胎明月珠

太陽沒后一宗危說與時人幾了知憑仗大明門下客洗
光佛日出咸池

六月偶來橋上游風生毛竅冷颼、飄然便欲從茲去一
葦銀河萬里秋

題天津橋

詩中久稔贊公名想見心清句亦清未徃風流如可黍草
堂花竹一歡情

和黃上人詩

金華洞接寶林幽二老風流未白頭安得拂衣隨汝去冷
然同訪赤松遊

送藝藏主兼簡雲石竺芳

壬子人日禪起次韻謝旭遠林携詩過訪

新年七日坐禪堂古篆槃熏不斷香忽被詩人輕喚起梅
梢春色上眉長

詠伯仲梅并叙

余尸保壽冬得梅栽兩株於悅岩兄之圃乃躬鉏堂下
之荒而對植焉遂雅其名曰伯仲迨明年壬子孟春尚
未著花蓋以前歲厄風也今晨人日出禪下塔吟步其
側感而作三首它日呈似悅岩一笑

伯仲聯芳兩樹梅南風北雪幾曾開今年幸尔藏春密免
使遊蜂戲蝶來

雙梅曾被海風欺自臘涉春花較遲但得同盟如伯仲明
年人日更相期

二難標格舊聯芳千載元方對季方休恠今春花事晚不

隨兒女學宮粧

宿風巢中采羽群飛來箇、九苞文弊居但恐栖無竹分
與茅簷一半雲 謝宿風諸友訪宿

諸方五味團熬煎莫怪單提一味禪飯裏有砂如咬著方
知滋味十分全 小供屈諸道友作偈為謝

迨、海路上皇州楮襖光兼畫錦浮到日趨庭煩說及村
僧但願識荊州 送梅谷清侍者省觀

只合山中看白雲如何更欲賦皈耘正宗委地無人起吟
續新豐獨待君 送正宗贊與白雲夢堂且留其皈云

諸帝袞、上雲程獨恠田翁謝世榮高却五峰千萬仞竺
波小朶倚空明 次韻重答蒙田

遷華和中心武陵村居十詠各以篇目冠起句云

晒麥不愁遭暴雨貪詩偏愛嚼芳鮮湯休習氣真堪咲世
事生疎不管天

篩米須精弗憚難好憑一粒辨耒端耕夫辛苦耕牛喘莫
作尋常易覓看

煨芋爐邊憶懶殘客來笑我瘦柔、夜深且待罇鴉熟一
半分將與你食

炙茄逼火要須乾風味秋耒忘取難見說蜀人多不愛村
、垵裡謗如山

摘桃謾說三千歲三度偷嘗古亦稀安得武陵谿上去乞
將一顆頓消飢

打栗要吞叅祖師幾曾向外問它岐今日茶筵同手剥免
教摘葉更尋枝

覓藕池邊詠未蓮西湖夢泛晚涼舫泥中踏出白於雪不
是佳人也自憐
未菱不見旧時花寒刺中截軟玉佳自笑老饕營口腹不
知泥水流袈裟
補壁纔成冬便來從它積雪壓籬頽家風要學楊岐老歲
須加一擔泥
修屋南山去刈茅歸來放下鬢如霜趁晴蓋覆重了風
雨掀天也未妨

壬子夏遷居報恩新寺普請築垣謝諸道友

昔年馬祖道騰光山鬼奔馳夜築墻堪笑報恩每寸補土
功辛苦萬人忙

少年竟乞天孫巧雲錦文章費幾工自笑老耒真个拙削

將方竹作園筇 七夕口占

汝歸越寺見春翁一評殷勤為我通三十年前能記否夜
窓共聽萬松風 送祥上人歸越見令春岩

慚愧山茶盡意紅逐旋收拾獻諸公莫嫌冷淡每風味辛

苦開花自雪中 山茶花

老屋淒涼苔半遮門前誰肯輟留車童兒解我招佳客不
掃山茶滿地花

和阻雨書懷二首贈昌姪兼簡報因在中禪師

一春半是雨蕭蕭多少遊人魂欲銷謝汝不嫌山舍冷衝
泥來訪宿清霄

無禪未必果吾師畢竟當今師是誰好看功臣山脚下曇
華出現落花時

三旬卧病困炎陽不覺心田日就荒午枕夢回聞驟雨快
哉濯熱汗如漿病中苦熱和大椿喜雨
寒山獨坐聽微風咫尺人間隔幾峰數樹之花冷帶盡無
心更受太夫封松隱和禪居老人韻為洞兄求
暮烟橫抹幾重山濃淡高低潑翠寒省得買山錢百萬千
峰秋色坐中看題橫翠軒
太平曲唱太平家何幸謙光屈象車山舍秋風搖落晚絃
持粧點少林華謝太平義山長老訪
黃華一任未全開九日柴門掩綠苔添得登高双眼碧教
峰雨外送青來重陽值雨漫和中輔詩題橫翠軒
江上青山兩半開舊游屐齒已生苔老吾不作登臨興坐
捲疎簾挹翠來

翻却盧仝七椀茶客來何以當生涯袖中寶偈妙天下拈
出從教驗作家正古知客出報國在中偈索和
西海風濤涉幾津暫歸且慰倚門人病夫忍死應相待期
在明年二月春送大椿記史叅豐城用石室韻
一夜南陽雪滿山天明問竹尚平安可憐三等師僧外一
了頭陀病怯寒雪曉昂事
繾入丹山深處栖便應李下已成蹊比來西望長安眼今
日長安西更西上春屋和尚隱居侑以光祖帖
法幢到處道惟尊蹤跡休將隱蹟論八萬四千毛孔裏一
毛孔裏一乾坤
流行頃止任前緣鼻祖銀鈎尚宛然送上丹山供一覽三
千里外笑掀天

圓覺場中同法會光明藏裡共安居死生間不容毫芴相
對焚香讀寶書

悼南宗廣侍者遺物有圓覺經

兀坐枯床百念灰童兒忽地報春回虛空粉碎天花舞攏
撥空生出定來

立春雪中作

聞說七日人最靈不知自己果何灵淡羹啜罷閉門睡隣
寺僧來叫不醒

人日謝諸友訪

五色摩尼與歲新知它一氣轉洪鈞南陽不敢輕敲碎番
取光明照刹塵

答義天藏主早春見寄

零金碎鐵巧聯聯掛在風簷口罵天不獨罵天兼罵我客
來稱病不譚禪

病中謝客題風鈴自嘲

岩陰徑滑凍粘鞋攔倒惟防被雪埋自咲老耒殺風景工
夫終不到吟懷

雪朝步屐途中作

春朝值雪南軒獨坐忽憶舊歲保壽勝集有松陰留

宿雪句為詩懷奉寄九峰禪師

早起推窓豁睡腫春天雪在舊年松暹思萬壑千山外玉
立撐空屹九峯

夜坐聽雨有懷白雲少林幽石每外二難禪師次韻
雪庭每憶少林翁瞻望高於百尺松且喜白雲飛出洞夜

來為雨洒千峰

幽石亭子在眼中耳邊彷彿聽風松春天一夜空齋雨夢
遠白雲在峰

叱退魔兵萬：千金剛寶劍氣衝天而今四海清如鏡賜
在床頭枕臂眠

次韻奉謝祥光九峰袖茶見訪

新年佛法屬誰邊雪後諸峰瘦入天記得老汾高枕處聰

公排闥起春眠。

每憶神光立雪庭。曾將趙璧換秦城。童兒只愛團為塔。不
解科腰到暹明。中輔題雪來和迂筆和之。

元夕追和光祖遺偈二首寫示周孚童真

祖翁初住真如寺。長袖婆娑舞小樓。老病自羞垂手拙。且
隨兒輩擊毛毬。

無錢不買半餅油。有月高懸百尺樓。古佛光明人不識。兒
童喚作一燈毬。

千里飛來玉鳳兒。欲栖海樹老無枝。碧梧生在岐山頂。皎
去何妨刷羽儀。送信侍者岐陽兼簡大興廣每涯

賀華侍者遷住自得庵守本師鳳庭塔兼畫項相

一南一北事休論。貴在同心護本根。昨夜湘潭雲飲盡。依

前塔樣屬耽源

高柳垂垂弄嫩黃。先師面目不曾亡。笑它普化翻筋斗。減
却盤山腦後光。

閉戶元非謝俗緣。老耒只是愛橫眠。殷勤為報窓前竹。莫
引清風到枕邊。答泰山安首座

欲赴嘉招被病妨。上方想見午炊香。煩君為報老龐道。梅
子熟時同一嘗。小疾不卦上山辭兼柬上板中書

道香果熟稔秋田。它日應須大有年。去々一犁春雨外。皎
耕鞭起白牛眠。送秋田稔侍者之甲州省傑翁師

師翁足疾今聞健。子去殷勤拜榻前。一步更期高十步。須
彌山上有青天。

瞻彼長安北斗邊。劍光共々夜衝天。便應變化為龍去。雲

氣油然而大千。賀古劍快首座遷任京等持
笑山一見展歡容橫翠新添翠幾重賓主相忘同一笑
聲撼動萬千峰。戲和韻笑山歡上人橫翠軒
病夫不擬鬪龍舟敢與諸方較幾籌奪得錦標誇敏手看
來輸我等闲休。端午示龍岩叔衡二上人
兀坐寥寥對翠屏盧公豈復入丹青但祈排圍石門老喚
起汾陽午睡醒。和三首奉荅東谷禪師
山近嵐光透枕屏半岩苔色上衣青每端種个梧桐樹夜
雨秋風夢易醒
舊隱風烟憶錦屏開窓面。海山青炎天寧好泉亭坐快
濯煩襟似酒醒
老耒轉覺睡魔強終擬安禪便陸梁消得玉川茶一椀不

勞驅逐也奔忙

謝悟庵居士惠茶

盆中天棘并叙

本草載天門冬一名天棘唐詩人杜少陵題已上人茆
齋江蓮搖白羽天棘蔓青絲蓋謂此也今用其句為一

絕云

天棘知名老杜詩一裝今見引青絲已公茅屋渾相似只
欠茶瓜留客遲

百病交侵有漏身餘生已與鬼為隣區區却笑諸兒輩剛
把空華擬駐春病中戲作示諸子

病夫獨卧鬼為隣謝汝頻來問此身天下紛紛宗匠手六
鰲一擲據重津和韻寄謝故人訪

大經的々本無文騰寫如何葦母魂會得師始元是女塵

塵刹之報慈恩。的大師寫華嚴報母
胸中學海浩無涯漲起波瀾每盡時一夜鯨吞乾到底
珊瑚露出兩三枝。送瑾知客奔本師喪
玻璃盞子撲落地大興山上浪滔天先師靈骨每尋處且
看春風百草遍

老南說法武林中把定三閩水不通但得公憑端有據何
妨掉臂過西東。送亮侍者之東萊

贈筆工福壽兼源讚州并叙

京師筆工福藤氏父子以藝游于公卿大夫及僧道之
間寔吾國蒙恬也癸丑夏余病卧南陽新寺會其季子
称武衛校尉首冒暑遠來為余留山中者踰月造筆數
十枝皆奇製也但愧拙書不称筆耳秋涼告別將東游

常陽謁于小田讚州太守源公以談藝也吾聞太守天
資嗜文而善書往也必有賞焉者雖萇鳳之遇羅江東
吳說之遇蘓內翰亦不多讓也遂試新毫力疾而任一
絕贈行兼東太守以為識荆之先容云

壽生新製筆如林愧我不才非賞音行見能書源太守一
枝換得萬黃金

東昇寺化大般若偈并叙

凡吾國例每禪教律院皆置大般若經一部六百卷為
法寶焉每遇天下兵戈疫癘旱沴之災各院嚴治道場
鳴鐘集眾而讀之厥感應往々如響答焉惟本寺獨未
有斯經不其缺乎爰有寺僧祥諄發心謄寫僅及二百
卷而未得完成其功不可廢不免作偈代疏遍叩諸且

伏希官貴長者居士或僧或俗見者聞者隨喜而結般若勝緣則其利益豈易量哉

曉來太白欲東昇般若光明遍未能但得孔方兒點數人間無處不輝騰

送用林棟侍者回筑州千光禮本師光照塲

舊來用座筆如扛携去何妨蘸大江點出千光雙眼碧先須分照及它邦

一隻纒殘便捲衣參方欲透祖師機病夫老矣無筋力不把藤條劈脊揮

送友知客

見說家山有竹房飯來整頓回門牆但看因悟居昭覺從此兒孫遍大唐

病夫懶看南樓月贏得安眠獨夜間雲外一枝僊桂對幾

人空手幾人攀

中秋示徒

誓首黃梅尊主翁前身莫是老栽松二株嫩翠今頌我猶帶雙峯夕露濃

謝黃梅大亨惠松栽

莫為閑遊回路頭貴圖洞上繼箕裘遠公不負太陽囑放出蒼鷹擊九秋

別源和尚遺偈拆為四首贈龍侍者

尋師訪道有來由匣裡青蛇歟斗牛神物已隨波浪去幾人覓劍刻虛舟

拚身窮到龍淵底心苦分明甘如醴黃藤當年老婆心痛棒三度打臨濟

不得驪珠不肯休幾曾赤手觸龍頭定應夜半遣它睡明月收來滿掬秋

大如紫蓋小如釘曾在松根共茯苓送與老人資藥餌延

將法壽到千齡。

送松蘿上石室和尚

祖庭秋與二首。餞藥師寺可山元可。既洛兼東等持

古劍和尚

二株嫩桂本同根。枝蔓爭分到子孫。不是西來門下客。可年正續與誰論。

觸目裝林秋暮時。祖庭搖落正堪悲。幸憑造化鈞陶力。五葉華開雙樹枝。

擣翁筆蹟額懸門。鳳翥龍飛墨未乾。寫得成時勾下好。阿師眼目不容瞞。送龜谷竹侍者歸鄉省師。

枝頭作蓋勢輪囷。半樹猶含一髮春。且待開華兼結子和。曩還屬傳岩人。謝信州太守惠金梅。

病夫懶剃髮髻髻。雪壓山頭白幾層。辱贈双刀應有意。一

回削落貴為僧

十月且諸方。隨例開爐獨吾南。陽山舍衲子三五輩。

冷坐拈床而已。因憶忠國師風葉擁趺之事。有感作偈示徒曰。

諸方有炭各開爐。我此山房爐也。每冷咲南陽寒不奈擁。將風葉暖禪趺。

翻之隻履逐西風。換步重來在此中。主禮甚踈君莫恠。南陽近日酒尊空。初祖忌燒香。偈呈諦觀中。

上人弭義一何高。繭足來尋扶我勞。三十年間南國夢。孤燈一夜話東臯。次韻權上人。

新歲闔門謝俗緣。可堪借帔拜婆年。晴窓睡熟春風軟。日影從它過八埒。新年和答白雲夢堂首座。

流水高山憶伯牙
趙州道箇摘揚花
好拈瓦孔一枝笛吹
徹長安十萬家
祖翁直裰好珍藏
休與諸方較短長
時節到來逢賞識
合如良驥得孫陽
溫室移來又一新
大家澡洗喜無塵
檀那不惜添薪水
要見人、了觸因
保壽移溫室
謝人設浴
業債如山卒未酬
紛々土木使人愁
羨君不動鉏犁手
重管黃雲萬頃秋
遷居南陽戲贈古
天法兄再任萬滿
萬頃黃雲收不盡
蓮房菡萏併秋登
鉢盂掛壁應相憶
殘馥何時及病僧

贈寫真道林道人 并叙

寫真宏成道人過門請寫空華叟真叟辭且戲問曰山

僧幻相猶如空華乍起乍滅公向什麼處下筆道人笑
曰且向起滅處下筆去也叟咲而作偈為謝曰
空華的々元無像貌得成時
認不真放下筆頭須著眼
虛空背上現全身

西禪長老相山翁
雒下看山憶士峰
六月半消峯頂雪
和煙和雪寫真容
戲題扇面富士山圖

歲暮天寒厨亦寒
病夫飢臥只空椽
幸然收得無心椀
盛取虛空一頓飧
宜春谷謝木椀之惠

金在井中龍護人
耕宮從此得名新
莫嫌地窄難容膝
杯冰且藏千尺身
次韻賀石室金龍壽壚

憶曾對我賦龜山
千仞高標在睫間
回首十年如一日
墨痕猶帶立雲寒
次龜山韻追悼天彪侍者

送佛光祖師為年松墨跡上武州太守鈴閣下
萬年松在祝融岑引得台州一首吟願與甘棠同雨露庇
天下布清陰

人皆覺買汝洲山幾箇將錢買得閑問著太虛渾不答編
蒲歸掩睦州閑 送太虛歸舊業

義堂來訪荷山翁賓主忘懷不鬪雄二十年前京洛夢梅
花吹落五更風 訪荷山芳庭戲作

梅嶠家風松數對藥山活計蔑三条相逢一夜同清話
到東窓日上朝

道人展拓宜明室錫子還它閑狹量妙觸機前如蓍得明
窓下去點蒿湯 賀溫室成次韻

人我山高喝使摧紛 培塿任它堆閑情只是金溝水流

出人間可沁盃 次韻荅嚴密室劍南江

南北相爭箭拄鋒不知早已辱先翁萬年正續西來意胡
越同心振祖風

緊著柴門水不通春寒瘦損一衰翁那期好客來乘興病
樹欣 闔曉風

童兒忽報仰山來白壁光生瓦礫堆四句百非俱剗却醉
人元不在多盃

看君壯歲氣如虹歷倒龐眉箇老翁且喜故人今不死神
駒千里合追風

赤鯉洋洋何處來南江風浪雪成堆禹門咫尺天應近莫
戀空池水一盃

劍南江水碧於苔來自瞿塘灩澦堆次日滔天從此去誰

知出處窄容盃。

戒鼠并叙

晝伏夜動鼠之性也。今汝雖晝亦公然而動。蓋鼠之貪者也。作詩戒焉。

晝潛夜出鼠之常何更啾。白日忙縱汝幸遭午猫睡烏搏鳶攫慎須防。

故人餉我信陽珍。恰值山中冬夜辰。堪笑洞山無合殺。退將菓卓誑時人。冬夜謝人惠干柿。

嵩山分與仰山嘗。烏啄之殘味欠長。爭似故人情義厚。信

陽土產壓松陽。

叢林喜氣老禪翁。福惠兼全語更雄。冰雪堆中閑咲口。滿

山草木靄春風。

次韻悼大喜和尚

春風滿面語猶溫。旧話憑誰子細論。記得同拄鰲店夜。岩頭痛抄雪峰存。

存公不負岩頭囑。如奉金科與玉條。大法從今誰作主。思量一夜雨連朝。

葆光窟內一孤僧。禪起新年憶旧朋。多謝寶峰開法供。一燈分作百千燈。次韻元宵謝淨智少室和尚招禪

阿耨池中聞請佛。菴鼈出水解成橋。賓頭失却神通力。又被風吹笠子飄。

五峯翠鎖九層臺。地位高。逼上台門外。尋春人似海看誰問。法上堂來。

七日昏。面壁僧闔門。雨雪阻群朋。朝來洗眼看新偈。暗室光騰不夜燈。次韻寄會芳庭和尚。

迦葉未出鷄足定遠公猶限虎溪橋春來一片相思意笛
裏梅花點點飄

坐折黃金百尺臺靈蹤未必在溫台塵塵應供四天下
事岩中入定來

仲靈文字只尊僧千載宗門仰十朋見說真容尚如在未
應滅却祖師燈 重和奉會少室三首

春來未踏亭前路積雨苔封獨木橋試讀兩山排圍句冷
然陡覺衲衣飄

金山擊出妙高臺落星中識斗台大地人攀不到獨
容童子入門來

少室峯前消息子東風一夜到谿橋優曇從此時一出
任楊花作雪飄 又和會少室兼簡芳庭三首

黃金閣上白眉僧旧約相尋到友朋記得去年風雪夜西

窓燈下話傳燈

教外兼將通教內雌黃賢首亦天台禪餘對客揮談麈不
盡長江衮衮來

信陽自古出高僧如鳳如麟瑞氣騰皎去莫耽鄉土樂更
須來續祖師燈 送玄侍者歸信陽

敬追和光祖旧韻送柏侍者歸清見寺

海畔鰲山憶昔遊幾回春夢狎群鷗不知吾祖西皈後誰
復題詩到上頭

海山旧隱夢頻通門外長松萬壑風旅食京華塵撲面僮
飢僕倦歷西東 丙午冬甞出海雲游京師有作

但得心同信乃通不須更問馬牛風試看第五橋邊水日

夜朝宗只向東。次韻答業子建兼簡中岩和尚

東山水上話流通。添得微涼殿閣風。紙襖抄來看又別。千光塔在鴨川東。

有書煩汝為吾通。問許山頭老掣風。三尺竹篋拈在手。不應長掛太湖東。

烹金密、運鉗鎚容易收。功未可知好在鰲山三益友。深雖痛劄乃成之。次韻答信道元

片雲出岫本無期。何必重尋白足師。君看王昂曾訪戴。對談只在半途時。

此飯何處養衰躬。千里海山紅日東。歲晚同盟如可踐。一蓑煙雨兩漁翁。

送玉英二上人奉先師骨飯葬紀陽粉河 塲扁溪雲

先師靈骨玉無痕。飯葬家山意頗勤。直把虛空為卯塲。不須特地問谿雲。

次韻賀古田都寺重修輪藏八部衆像

古田秋熟福田因。七寶粧成八部身。保境將軍應拍手。天宮碾出水晶輪。

人說蘓州樓敬仙。東遊興盡問飯船。且看採藥徐生輩。朝遍蓬萊幾洞天。寄送樓敬仙南飯

五年土木事忘。一線何曾補祖宗。珍重貯清池上水。病來羞見照衰容。辛亥三月八日因病謝事瑞泉而作

圓覺堂中分半座。日金峯下赴嘉招。滔天沃日從今去。一滴曹源萬水朝。賀誓首座任曹源

少年看覓龍舟渡。萬里長江小似杯。今日病吟風雨裏。只

期畏飯故人來。病中端午寄友

海南盡處白雲鄉千里歸心獨折腸憑仗游人從此去寄

將滴淚吊空柔 送人之土州

白髮爺、尚在堂見來應是問兒郎出家未了安心法孤

負趨庭二十霜

亮公曰隱是何山指點孤雲落照間一片盤陀曾坐處只

今應有藓痕斑 送亮姪歸西山見本師龍湫和尚

龍在靈湫懶出山幾人飛錫到其間直須領下捩珠去休

向諸方問赤斑

用池本意宿蜿蜒尔輩奚為占宅尊好去泥溝污瀆底年

、蚪蚪長兒孫 逐蛙

紛、擾、又嘗、扇拂時、打不驚顧我全無藜可糝吞

腥啄腐果何成 驅蠅

世外高僧白道猷心灰不復夢春柔詩篇到應仍殘習一

夜清吟送曉籌 次韻鈍夫常樂窩雜言兼簡九峯

常樂我淨曰佛惠柱頭歷日已陳年鈍翁睡起舒長嘯三

億衆生聞未緣

誰言翁鈍卻能言文字禪傳自石門退步自知非敵手北

窓高枕卧羲軒

東籬寂寞向斜陽為夢秋花白間莫二老來看乘晚興食

英咀菜細商量

二老來尋一病翁青天忽見兩傾筒每端打濕袈裟了晒

向山籬晚照紅

白足高僧惟道骨青州從事印詩媒狂言自咲真無益一

燎還它付劫灰。
霜風昨夜入單裘憶著平生恨未休懶不把針衣破了如
何禁得五更秋
得失還它塞上翁行藏合與世人同青錢好買茶鹽喫白
髮休論公不公

癸丑冬同諦觀中宿六浦楞伽山有懷方外法兄次韻

方外乾坤足勝遊人間無處不通幽鐘鳴水寺暮昏月覓
劍重來又刻舟
暮宿松園謁老禪追思一十九年前双峰閣上無雲夜主
客憑闌月在天
次韻因清圓天鑑
了卻先師未了因煌煌金碧著新功霜華枯木毘耶室兩

手移來在梵宮

病夫懶著遊山屐閑臥空吟樂道歌不奈因清寒拾筆題
詩紅葉惱人多

竹隱未敲竹下門南陽旧事尚堪論自從一擊忘知後風
打琅玕雨打軒

諸方菓卓幾成堆口水無端說酢梅魁率茲支法昌橘商
量一夜撥寒灰

普通年遠事寥寥憶著令人恨不消今日少林山下雪覓
心誰復立看腰

竊食三年只自慙今宵分歲復何堪梅花竹月家常飯餉
與諸人當小參

癸丑歲夜示徒
家、歲旦祝唐堯壽酒春濃酌幾瓢自咲山林難免俗瓦

既淪茗谷年朝。甲寅歲旦示眾
年踰八十鬢如銀一咲能回萬物春
摘盡蟠桃重著子三千歲後更生人
今立春次石室老人韻
剃髮清晨雪在松回頭仰望感飛蓬
青松依旧雪消去白髮如何掃得空
雪朝淨髮有感戲作寄松雪齋
壬寅冬至源府君入正續院禮佛牙舍利仍捨田充
燈院主大喜法忻有偈為謝次韻
將軍一箭不虛傳兵器消去大有年
分我膏腴秋萬頃素餐何以答旻天
保壽精舍稚松早菊諸友獨詠早菊不及稚松余作
二詩督之
五月開花嫌太早重陽酌酒覺登遲
中間獨闖新秋夕引

得騷人賦一枝

一枝菊已屬陶潛獨有孤松意未收
寄語高僧標畫筆快須把筆寫蒼髯

謝少室和尚惠銀杏栽壇於南陽方丈西園

東山種核不辭勞剝玉煎茶咲老饕
集慶分來根帶土祇應封壇配蟠桃

兩歲看雲分半房重來不覺鬢毛蒼
夜深葉盡爐灰冷相對無言似坐忘
次韻畚雲谿

種竹成叢護小房要看脫翠拂雲蒼
老來一擊應無力莫問所知忘未忘
借韻畚方丈外

曇花瑞現百花叢預識須還老荷峰
紙被携將到方丈福山已覺在懷中
次九峯韻賀建長首座

次韻游泊舫歸會同游岳外林翁諸友

曉呼六浦渡頭舟同訪蓬萊海上洲自嘆生來無道骨神
山空作等閑遊

平生蹤跡遍江湖獨有此遊應世無外林翁諸伯仲有
詩如玉洞冰壺

兩日同遊海上山仙洲鬼渚許追攀飯來獨卧筠窓兩夢
遠丹崖翠壁間

法旆西游今幾日岩根歲晚長寒藤阿翁定裏應招手及
早飯來續夜燈

江北江南千萬峰不勞動步到其中玄沙踏折飛猿嶺脚
指尖頭血迸紅

指南初友北山翁樓閣門開彈指中首得善財双脚力飯

來門掩夕陽紅

送肥陽竺谿乾上人飯省本師天菴和尚

見說本師多勝踐拘留佛塲玉稜、煩君試把金膏筆歸
去題名最上層

曹家女子鬢眉長老不梳頭懶曉粧回首夜明簾外看日
輪依旧出扶桑

憶昔逾城夜出門六年攻苦愧耳孫若論鹿苑今朝事惟
喜依前侍世尊

送暎華訢侍者飯筑州頭孝省本師舍容和尚
紙襖抄來墨未乾如何便欲返西園古靈不負本師屬大

法元龜在感山
感山昂我旧随肩輦寺分携二十年煩汝飯山先問評黃

龍早晚出神淵
東壁餘光照弗偏故人分送到閑邊憶曾對榻秋窓夕同
剪銀華聽兩眠
謝剛中憲燦燭
病夫獨卧海東村京洛嘉音正要聞珠玉已隨豪客去片
零收拾更煩君
次韻唐李涉寄觀中上人
拈華座上侍鑪薰拂曉香煙細熏滿袖携故人未識炎
天散作九州雲
送福山益中友侍者皈紫
一覽乾坤眼已空如何皈思勤秋風平生旧識東山色雨
後青々映洛中
送魏知客歸京東山
同雲漠々雨霏々收釣忙々何處皈家在竹林深處住想
應買酒典蓑衣
題東侍者扇面
腫々曙色拂咸池正是金雞一拍時景瑞山中人睡起扶

柔日上最高枝
送曦侍者省善福心巖
武陽福地重々境一宿曾經作客未最憶上方三伏裡竹
間濯熱一池開
次韻心岩寄題善福方丈
一柱亭亭障百川宗門誰似仲靈賢永安小寺西湖曲千
仞高標映幾年
送南谷熏侍者歸甲州次石室韻
三豎九到幾來還故国風烟咫尺間見說金峯山最好何
時把手陟屺顏
屋踈壁老憶楊岐跋跡海中興天下知如是住山應有日搏
柔梭出一枝々
和自省互首座留別韻
殷勤寄語老毘耶室冷床空莫歎嗟法喜為妻禪悅食更
留天女散天華
寄道行居士慰鼓盆之憂云
佛法將微一髮懸曉星殘月憶耆年白頭望斷長安日人

在雲居北斗邊 寄雲居登岳雲

冬至半雲亭獨坐有感書付中至童兒而誦之

少年弄筆學書雲水早豐荒子細分老大只今懶拈筆看雲高臥送斜曛

癸丑十二月十一日雪落如塩剛中引余及雲溪上

半雲亭觀雪坐中有作絕句

半雲亭外雪紛紛 衝雪來看半是雲明日雪消雲亦去倚欄依旧只三人

甲寅正月十四日剛中有詩見寄記及去年半雲雪

中之游迎筆和富曰

亭前雪是去年雪檻外雲還日暮雲獨有南枝 上月今宵看不共三人

次韻壽能都寺重建護國兼慶武州太守瑞夢

端然率堵屹靈光感夢令人為讚揚憶得長庚曾遣化虞公琬琰護祠堂

新年日月只尋常俗習成夙賀歲忙垂老逢春偏愛睡莫

來撼我黑甜床 歲朝謝客而作

山寺歲旦無賀可伸惟有衲子十餘輩隨例默坐於

初祖畫像前期以七日而已并剛中預焉適折天衣

偈衍成四首見示余亦不免効顰以寓懷古之意云

休把僧儀混俗情林間豈可經營道人三立無言坐各

夢同床喚弗驚

江頭野草幾回青特地思量列祖庭喚起普通年遠恨楊花伴雪落真々

無角鏡牛眠少室壁間遺像黑如漆試向新年看新顏眼
睛依舊烏律

當時豈是賀元正凍鎖嵩山雪未晴冷地一筆用五葉春
風無處不吹榮

新居每愧古人情卜築難成似燕營憶著揚岐踈屋壁夜
床雪冷骨毛驚

山寒未放燒痕青又見飛花舞曉庭喚起空生初出定摩
掌病眼眇鴻冥

袖手端居方丈室掛床竹篋是黑漆果然力不費纖毫言
為經也行為律

屢欲懷香去賀正春天不柰尚慳晴咫尺荷山千萬里昏
鴉引望倚南榮

右四首寄九峯

雪落春天動興情禪居想近亞夫營三軍喜氣銷應早曉

起遙知睡眼驚

曉來忽失半山青遙想嵩山雪之庭今日埋腰應不得總

飛便作兩冥

天花飛入空華室撲滅夜燈暗於漆瞑目尋思三等僧坐

禪說食并詩律

去冬不雪及今正喜見霏：曉未晴驚起瑞龍開蟄戶慶

雲散作為花榮

右四首寄鈍夫

雲門胡餅狀難全畫得成時話未圓每舌之人如下口亦

妨一飽腹便

畫餅示衆

和荷山九峯春雪賦松竹梅栝鈍夫雲心二老

獨臥何人念我窮柴門掩雪絕人蹤臨風羨殺荷山老三

友論友梅竹松
老去逢春懶作吟
凌波僊子忽來尋
欲邀十客論文態
羞欠新文繼澗陰
天章贈水僊
幾回同住又同行
二十年来荷道情
春色催皈從此去
出幽何日見遷鶯
次韻石室送昌書記
歸受業
鶯啼故国问皈程
應念而翁白髮生
此去相看如问信
一生多病道難成
幾人覓寶到山中
費草鞋錢走似風
收得老南文字印
許君皈去見翁翁
次韻淨智太虛又送
翁也誅茆隱備陽
高風不減大梅常見
時莫問梅子熟
揩背湏看佛放光
揩背還它老古靈
阿翁八十髮星星
直湏喚起出山去
推

轉蒲輪謁帝高
年登五十一衰翁
懶拙無心繼祖風
莫怪閑門防俗客
閑邊有味似春濃
賡韻旭遠林訪
出俗風標見果常
相逢只恐促皈忙
不嫌雲臥衣裳冷
它夜未分月半床
重次韻謝醫侍者訪
正月十五日夜半
睡起偶尔看野錄
為詩云
年老才疎懶吐言
不知僧史與誰論
叢林盛事時
有蒼粹今無瑩仲温
龜谷山頭太導師
降尊屈駕到岩扉
袖中三偈如聯璧
畱在窓間夜吐輝
次韻寄龜谷草堂見訪
東山每憶侍先師
野鴨紛飛過時一
捏鼻頭餘痛在
至今皺折兩莖眉

寺豈大小貴明師天有春秋各一時眼瘳諸峰豈寸碧龜
山秀色上雙眉
標師之高摩雲霄在德豈在沈寥仲靈此語温如玉吾
今把贈甲之標 示周標
石橋夜戰事范々余一豐三墓木荒臥澗枯松苔半合誰
知霸主此中藏 石橋山手古
黃昏忽聽一聲雷恠兩盲風颯々未何處垂龍移屈去奮
鬚半夜摩山開 乙卯二月廿四夜回雷雨而作
上方樓閣五嶙峋泉有靈源樹有神莫恠頻々回白首用
山初祖是鄉人 望曹源寺
惠不惠子愚不愚筆端幻出萬形模明朝別後應相憶馬
里江山一幅圖 走筆贈畫僧惠愚溪

重陽九日菊花新冷話從頭舉似人醉倒柴柴陶處士殷
勤更勸一盃春 九日戲富素中
火逼躡鴟吼夜闌似聽僊樂出雲端世間將謂知音少南
嶽峯頭有懶殘 芋筍
走筆贈東侍者歸常州兼簡祥雲蒙田光明龍江二
禪師
東飯故園莫愁程紙纒兼將畫錦榮好看竺山々脚下祥
雲影現佛光明
次韻送權侍者飯泉南拜本師塔兼東大雄古劍師
十年踏遍海西東飯去何妨謁迺翁三尺浮罔花玉骨是
龍不在碧潭中 紙衣鬪著出關東千里飯尋七十翁好
看大雄山下路於菟睡在草窠中

海國蒲萄人不愛荒山歲々長龍鬚畫工謾擬溼夫子烟
雨兼將上扇圖 題良三位蒲萄扇面為嚴竹隱求
遠林端午來相訪便面江山海上洲喚起病夫尋藥去冷
然夢逐赤松游 乙卯端午漫題旭上主扇
道人灑墨寫琅玕苔色兼將溼未乾喚起香巖閑老子窓
間一笑雨中看 墨竹
南陽種竹兩三根臥病相思只斷魂五月南風吹未已階
前幾箇走龍孫
笑岩笑把秃毛錐為竹傳真作笑姿未審此君笑何事笑
吾題竹欠新詩
道人戲筆寫疎枝便是西湖處士詩莫道暗香描不出能
聞只在眼觀時 墨梅

老圃生涯樂有餘山籬種菊當嘉蔬折腰五斗非吾事三
運秋深自荷鋤 老圃軒
雲也吾心曾出岫暫時休歇臥高寒待看六月為霖去天
下蒼生共喜歡 奉酬大休雲心禪師
吾角鉄牛眠少室千年古曲重唱出將謂今時和者稀二
七伽陀意何密 續天衣偈書諸友新年作後而和之
瞿曇曾掩摩竭室八字打開為人出今日南陽閉戶眠只
圖睡快藏於密
阿母裁成白苧衫持來惠我一肩擔報恩有句輒難說恐
作青州舊話參 道恩居士葦母施布衫
戲和吾外早菊稚松二詠并叙
早菊稚松蓋萬歲山中吾廬之二植也甲寅秋七月鹿

山前第二座以亭謙云率諸友從事翰墨者數輩惠然
而來寵賞早菊賦詩而冗不及稚松不亦可恨哉余一
夕病臥南陽山舍有剝啄者乃吾伯玉林堂上每外禪
師也冒殘暑迫昏鐘垂况乎藥鑪之間煮茗從容夜話
甚歡仍出示早菊稚松二詠之作讀之詞水韻雪使人
溽暑中煩衿濯如也於是乎松菊欣以並榮主賓陶
而俱醉每外回作而訝乎晉人賦中三徑就荒松菊
猶存之詞以侑之前所謂不及恨者如湯之沃雪泮然
而釋矣余遂戲命毛穎子步玉林二咏之韻言松菊主
人之志云

七月黃花愛者稀謝君來此未閑枝直饒用在重陽節每
酒何人肯賦詩
右和早菊

少小已含霜雪姿不應謂稚輒無詩誰知出土青
日便是陵雲落時
右和稚松

上方頌我天厨食香味兼將法味饒莫恠村僧辭不拜才
疎滴水也難消
承先和尚送供余不敢受為偈謝之

溫泉旅店奉謝南山寺和尚袖茶垂訪
深隱南山挽不回那期為我出山來喚醒客店殘春夢煮
茗泉頭半日陪

魚鱉紛不足收釣竿曾掣巨鰲頭雖然曹袖絲綸手海
上三山已上鉤

寄謝萬年雲林深禪師并叙

昨承垂訪客舍兼沾煮茗半日從容滿尉旅况寥間也
又承近者新建光大鑑祖師難提并塔碑聞此使人心

馳乎海雲山水之間但恨足疾未平不即趨拜耳
憶昨相尋夜出山、行十五里間闕早川春煮溫湯水消
得天涯半日間

土肥山秀海為池中有浮圖玉一基待我 策扶脚力登
臨共讀祖師碑

渭川千畝只聞名相憶年々風浪生多謝幻菴如司筆寫
真贈我两三莖 墨竹

葛陂龍化骨猶存風雨冥々白日昏慚愧春雷能解事夜
來喚起籙龍孫

西來祖意庭前柏今日憑誰話此宗龜谷堂中第一座眼
高宇宙眇諸峯 和韻賀壽福首座西栢庭

天菴父子洞家英舊夢重尋憶永平話到大梅、子熟牙

艱不覺白津生 贈梅隱芳知客

諸郎窳墨積成裝字々看來畢竟空我既無求君莫愛家
雞野鷺任西東 戲寄少林藏主

放癩狗并叙

保壽院有狂狗噬人凡客過者往々被傷余適主是院
為之憂設計出令曰縛狗者賞有老奴樵林者給縛而
獲之余即脫所著布衫為賞仍出百錢雇小舟載狗放
于海隅而后過者乃安矣吁佛聽比丘畜錫杖制惡狗
又置梵壇法擯惡比丘則凡害於人者可不制且擯哉
遂作偈示徒為戒曰

惡口比丘佛猶擯噬人狂狗我何容殷勤好去三千里莫
逐子湖尋舊蹤

雷山千仞雪峻嶒幾度思登病未能送汝錫飛三伏裏歸
未分我一壺冰病中苦熱贈昌謹游富士山
門外舟橫新岸邊一看不覺笑掀天去年十月游三浦與
外林翁共泊船戲題扇面山水為白雲寅上人
隱樓臺出樹顛夕陽收去是誰舩殷勤莫近僧房宿夜
半鐘聲到枕邊扇面山水
故人頒賜小團龍一啜冷然欲御風弱水蓬萊何用問全
身已在白雲中次韻謝白雲林翁惠團茶
全身夢入白雲鄉不覺全身在病床一陣清風吹雨過小
團碾月試新涼
新涼入座讀新詩正是人間三伏時熱惱眾生吾豈奈傾
甘露雨只憑師

憧憧覓竈上金山一介無人空手還自笑病夫難進步龍
鐘猶在半途間寄謝淨智大虛見招不赴
朽木雕成幾系山病夫目眩不堪攀就中認得五峯翠便
欲振衣千仞間走筆題諸友木假山詩後
和韻題贈中賜歸江州詩卷兼東安恭長老
莫憚遠江秋水深隨身詩卷是南金若從安恭堂前過正
好從頭為一吟
南陽種竹未成叢憔悴秋容似病翁
畫圖生意足春烟漢雨濛
墨竹
活寫亭、冰玉姿多情好在晚晴時不才自笑無詩賦慚
愧風流杜牧之

道場山直心寺方丈前有木犀樹主人積雪江藏主

求立軒名篆曰天香軒為偈寄題曰
道場只在直心中端坐巍々金粟翁不信試看三五夕天
蕩桂子落秋風
水西楊柳水東竹橋下春流橋上山添得先生詩幾首老
奴背負錦囊還題扇面
澹墨塗成幾點鴉翩々擾々亂如麻江邊獨樹枝應少先
後爭栖噪日斜
江上群山雪打圍分明寫出柳州詩漁翁不解催詩思只
愛江魚上釣絲扇面雪江獨釣
乙卯八月十六日海颶作崇閩左一路殘破者多矣
明日小師昌乾告辭游方作此為示此去呈似真福
在先禪師一笑

秋風昨夜欺吾病吹折塔前竹數竿為汝寫成送行偈去
呈真福笑開看
跋涉山川莫憚勞貴囹小試奏牛刀首山風穴諸尊宿門
戶雖低道韻高送昌猷書記赴上陽金剛之招
九日登高憶少年幾曾健步上青天老來定被黃花笑多
病龍鍾雪滿顛九日病中口占示瑞上人
重和瑞上人韻且寬九日無親故之嘆云
憶昔王維作客年思親萬里怨秋天早知四海皆兄弟不
望山東上翠顛
決明黃菊一時我看到重陽菊未開堪笑決明顏色似誤
他蜂蝶弄芳來九日決明盛開菊花稍遲戲作一絕
萬里秋澄列宿明寒芒的々識文星夜闌河漢位臨戶直

欲乘查謁紫清。和淨智大虛上武州太守細川相公
塩官扇破多時也。還我犀牛畢竟空。慚愧寶峯知此意。送
來明月拂清風。和韻謝大虛惠扇。自慚每以報奉
團。寤月出雲中。一洗衆生熱惱空。恩渥自慚每以報奉
揚端合仰仁風。

昨蒙大檀那鈞翰。委以寶刹。願小必。葛何克當哉。聊
茲作偈代面奉謝。敢乞鈞察。

一幅書頌新雨露。三生社熟舊因緣。自慙老病難報畱恩
與禪徒仰福田。

白鹿山中侍者光少年許。汝暫歸鄉鐵舩打就重來日。舩
尾還應載謝郎。送鉄舩光侍者歸常州。

夾山當日見舩子。痛徹心肝打一橈。莫恠病夫輕放過。金

剛有棒不相饒。送小師梵和見金剛天章法兄。上
蘆葦蕭蕭水拍堤。繫舟歸去路如迷人家的。在何許。應

在夕陽喬木西。山水
一重雲外一重山。彷彿樓臺杳靄間。老翁似怕谿橋滑。裹

步遲。過轉難。前後所贈諸作。皆已編入南陽集者。以為山中千載

嘉話也。就和三首。聊寫于紙尾。以充覆詔之資云。

毫端掃出萬珠璣。句。豈非佛祖機。多少貧人未覓室。莫
教一個手空歸。

故家兄弟半西歸。今日憑誰話所期。珍重金剛堅固體。端
然永作萬人師。

病夫獨臥半間雲。也。無心誰可擬。千里故人天一。方白

鷗眠在春湖水
要使千年播德光
先須自晦衆中藏
乳峯唱起雲門曲
曾典賓司在大陽
送德光播知客
歸觀雲門（交字）
法界重（交字）是一菴
就中賓主共友
參若還不信
今宵看有水
誰家月不舍
元夕送一菴
是知客
春風千葉雨
前茶一夜吹
香到我家
喚起周公寒
不寐坐
看霜月洒梅花
謝霜月山主
惠茶
凍鎖琅玕箇
低雌雄並影
此中栖不愁
枝重危巢冷
紅日東昇雪作泥
扇面竹雀
夜風吹動碧琅玕
栖鳳多應宿
不安喚起南陽菴
內容梢頭壁月闌
窓寒扇面竹
雲氣山形遠
莫知微茫淡墨洒
淋漓何人借得坡僂手
寫

出烟江疊嶂詩
入扇面山水
行人只怕野橋危
不覺扁舟逐後來
山店半藏烟樹裏
是誰先到宿茅茨
烟樹真（交字）望欲迷
棹舟何處訪幽栖
若非賀老鏡湖北
定是若耶溪水西
松檜蒼（交字）古色寒
上方飛閣跨雲端
晚來送客江亭下
目斷歸舟不可攀
夕陽江上落帆時
沙際人家早得知
西（交字）出迎相耳語
舟中嘉客定為誰
故家兄弟半蕭疎
華髮空餘一病夫
忽見畫圖橫小景
秋風原上鶴鴒孤
秋來酷暑尚如蒸
謝客橫眠懶出迎
忽被清風吹夢破
起

來江上教峯青。
細風斜雨晚淒淒。江上孤舟望欲迷。行子不愁山路滑。塔
標高處是招提。
澗水涼。漱玉寒。春烟淡。抹碧琅玕地。幽如此。知何許。吾
欲移居試考槃。
彷彿江南水竹村。落帆何處認柴門。夕陽斷岸楓林上。數
點栖鴉醉墨痕。
贈宗輔道者并叙
鹿峯宗輔道者年十三。適值解制。選拔衆為楞嚴頭。已
能唱念其聲和雅。聽者咸悅之。今歸武陵梵音禪院。欲
省今師。大念記史其志可嘉。故以偈為餞云耳。
正宗輔教。豈無人。年少頭陀已出塵。見說楞嚴勝會日。迦

陵落之梵音新

每外首座適冒炎暑往武陽訪平林藤橋二老翁未
幾而歸過余出示平林贈偈目和其韻

出游幾日便歸來。面帶炎風路上埃。收得平林詩一幅。不
曾虛費納青鞋。
青鞋踏破去還來。白石巉巖不受埃。話到雲門遭拶脚。誰
知尊宿隱蒲鞋。

病起如錦屏觀泉時住山古天法兄惠絹作此為謝
病起來焚水殿香。飛泉濯熱髮毛涼。那知大士神通手。剪
出水絀一疋長。

和包二韻送竹巖賢侍者歸西州兼柬棘南海珠
禪師

金寶山前聽午雞抄成紙襖欠全提行、小試醫王手藥
價須高莫放低
一別龜山三十載同栖尚記舊招提閑心最是楊岐話栗
棘枝之結子低
鉅福山中賓主句清江紙上寫何堪君歸望闕樓頭看月
在青天水在潭 送月潭素知客歸東山
泥土捏成菩薩身是真兒戲是良因愧每一物充供養送
與毘耶室內人 送地藏菩薩塑像與藤野別
頌末五十小龍團一笑欣閑睡眼看彈壓廬全三百片洞
中春色上眉端 謝雲溪書記惠團茶
泉頭賃屋住經旬不怕春寒來逼身上故人憐病客滿
鑪添炭竈添薪 謝曹源誓大信惠薪炭

走筆和答東山諸友
犀牛扇破又團、敢與塩官一樣看六月披襟千里外清
風來自九天端 柏庭祖侍者
一別秋蟾十二團青山猶帶白雲看西風昨夜吹邊鷹接
得嘉音的、端 道元信首座
藏裡摩尼顆、團等閑撒出與人看三千里外遙相見說
甚言端及詰端 東航川藏主
東山輟出繡毬團侍者風前拍手看可笑曾恨蘆葦底重
之玷辱白雲端 約之契侍者
一池荷葉見來團把作雲巖寶鏡看打破鐘来看什麼三
千刹界一毛端 德岩進侍者
太冶鑪中鍊一團曾經煨煉百回看雖然暫袖鉗鎚手打

硬工夫在發端。玉岡金西堂
蜂屯蟻聚動成團。俗態紛紛可忍看。世外高僧應冷笑。自
他不隔一絲端。雲石山西堂
困師每縫塲圍。誰在夜明簾外看。活却耽涼死模樣。洞
春花綻玉林端。天石麟侍者
午窓對客煮茶團。一任傍人冷地看。截斷老韓三寸舌。東
山千仞凜鋒端。西崐池知客
東山說法爛泥團。捏聚從他擊碎看。紙襖抄來成第二。紛
々惹得是非端。惟忠恕侍者
簷際蜘蛛結網團。賺君曾此時来看。只今臥病閑相憶。一
夜秋風上鬢端。瑩中琪侍者
五月梅洲梅子團。有誰和核一嘗看。只應抱渴人聞得。口

水津：透齒端

南宗幢侍者

參禪要決大疑團。好去南詢一遍看。五十三人諸善友。不

知那友取為端

濟川舟侍者

群公寶偈似珠團。千里投來一一看。慙愧草書三昧手。一

看收拾在芒端

相山永西堂

舊賜恩沾月兔團。新裁偈妙再三看。重々厚意憑謝誰。合

掌惟消十指端

雲谿龍書記

重建拈持禪院化緣說偈

院稱拈持應不動。如何却被卒風顛。須知大士神通力。要

使諸人結勝緣

東山惟忠恕公記。史禪文兼熟。而與余最善。以丁卯
秋暫別為南海游。出紙來語其興不可挽。寫拙偈奉

贈以資再會談柄云
上人去作海南游明月珠應滿袖收他日歸來呈似我遼
天索價卒難酬

和圓覺大虛韻寄白雲林翁首座

門外黃泥三尺深
人溺馬幾寒心睦州獨掩間房坐惜
取蒲鞵不換金
在、門庭落葉深
師僧何處覓安心
賴有鹿峰開鋪席單
只解賣真金
寶雲恰似白雲深
兄弟連枝共一心
指出洞山百衲帔天
寒歲晚直千金
秋初臥疾到秋殘
冷眼黃花闖雨寒
旋喚山童煎藥喫
倚人別作酒盃看
病中九日戲書示十二歲頭陀周玉

向曉明星還夜、連山臘雪自年、堪笑瞿曇成特地區

之覓劍刻船舷 佛成道燒香偈

萬里江湖一月舟
幾回乘興去隨風
殷勤問評山陰雪
兩樹梅花尚在不
送一侍者之駿州
兼東龍泉東江

古人學道結良朋
存豁高風百萬層
埋沒巨鰲山店雪
莫嫌人罵不眠僧
偈寄示小師中
多兼東東江

辱贈梅花瘦似僂枝
頭猶帶月嬋娟
病夫不敢勤詩興
曾伴已公茅屋禪
和謝剛中惠梅花

夜風颭、動巖扉
寒氣巖花猛
帝威不謂隣
菴貧道者寄詩
未覓禦寒衣
戲和詩答玉審

保壽新聞般若會
天華動地太無端
山僧眼眩春來甚
例作空華一樣看
回看大般若經
偈示衆曰

天掃出玉嵯峨。
絮裝重染玉京塵。多悔浮名誤此身。借問扁舟誰氏子。一
絲閑釣暮江濱。
明月蘆華一掬秋。小風吹水夜飈。何人夢踏仙查去。濯
足天河看斗牛。
亭。碧玉两三竿。便面風生六月寒。曉日蒼涼初弄影。幾
字認作紫金盤。
黃昏月出雪垂西。只見山高雁影低。喚起東歸千里夢。秋
風吹上紫雲梯。
了角誰家大小童。出游春圃弄輕風。爭先欲撲翻蝶骨。
信莊生在此中。
江上誰人把釣絲。欲題名字更尋思。若非嚴瀨劉家客。定

是磻谿帝者師。
雲際娟娟月一痕。小舟歸去正黃昏。想應不怕家難認的。
梅花水北村。
我本山中無事客。隨緣輦寺又三年。朝來忽憶庵居好。日
上三竿枕肱眠。
宿霧初消露未乾。蒼涼海日吐團團。不知何處貪程客。天
際歸帆拂曉寒。
山路羊腸曲。長老人擔重步。何忙想應家在烟蘿外。趁
得昏鐘到上方。
鸚鵡籠中愁鍛翻。鳳凰天外惜離群。不如桼樹無人管。雙
鳥同栖弄夕曛。
海濤何處撼松風。便向江山杳靄中。記得他年投宿處。白

沙洲北極橋東。
白羽馱麾諸葛手西風羞避度公塵不如暑退涼生夕挂
在秋窓伴月輪
栖霞觀裡得名傳入手清風便颭然莫道秋來無用了策
勛三伏更明年
曾讀帆橋夜泊詩畫圖今見墨琳漓張公去後無人知半
夜鐘聲聽者誰
西風吹綻木芙蓉三兩點花秋意濃何處飛來雙蛺蝶冒
霜相戀芳叢
占浙西湖雪後天黃昏月下聳吟肩不知疎影暗香外添
得梅花詩幾聯
人歸德也水歸海雲在山兮樹在林好是炎三伏裡清

風一握直千金
老僧歸晚步遲家
在夕陽松樹西認作茶川郁和尚適
橋只欠蹇驢騎
雪後梅花瘦更奇黃昏月上影參差何人喚起羅浮夢腸
浙春風玉一枝
江上青山暎夕霏岸根素浪欲吹衣何當借得扁舟手一
片秋帆萬里歸
白兔雙雙雪樣同何年走入玉蟾宮拔毛苟可利天下不
怕身投羅網中
清風一拂碧琅玕便面涼生六月寒忽憶南陽曾隱處此
君冰雪共相看
老子曳筇奴抱琴沙頭立久夕陽沈無人只解貪程急不

賞朱絃流水音。
踈雨冥冥帶澹烟。新篁玉立鬪嬋娟。不知動地春雷夜。那箇龍孫飛上天。
黃昏雲際月如弦。照見梅花淺水邊。踈影暗香春一夢。策勲調鼎望佗年。
朝天不作春宮夢。避世來依釋氏尊。團扇猶遮龍鳳面。怕人認作帝王孫。
松陰晝靜會棋客。貪觀眼欲穿。一局未終柯爛矣。不知滄海幾回田。
夢入廬山紫翠間。衣裳夜冷宿雲端。曉來枕上誰呼我。飛瀑風生颭寒。
海棠枝上一雙禽。啼向春風似有心。多少詩人題品遍。此

花不入杜陵吟。
芭蕉葉上要詩題。得句如何下筆遲。秋雨秋風零落後。仄平仄仄讀難知。
柳絲長。不容巢占。新枯株兀弗搖。但恐居安生春戀。却須移宿向垂條。
遠從海外移來種。何似毫端點得開。春色不衰花不睡。嘉賓共懽興悠哉。
海棠相映牡丹紅。知是誰家舊園中。爛却韶光人不見。空畱閑客管春風。
紅之紫之一。裝開宛似天公巧。剪裁見色若還心。不了依前眼裏著塵埃。
雪裡江山畫裡看。炎天濯熱骨毛寒。灞橋詩思剡溪興。輸

與漁翁把釣竿
江似練兮山似劍謝公句對柳公詩一拜寫出深、意不
是會詩人不知
聚螢照雪真多事鑿壁偷燈亦自勞了角青衿誰氏子讀
書涼月正秋高
老人曳杖趨前去童子抱琴隨後來何處一彈秋月夜悲
風流水嶺猿哀
小舟踏遍西湖曲日暮歸來認得家獨扇柴門喬木外一
枝臨水野梅花
二老相從兩鬢皤携籃曳杖共婆娑想應不受周家粟春
雨西山巖更多
謝地藏伊大圓看入院語錄兼惠東絹

東山潦倒語無憑十字傳來九不真地藏門開無盡藏
東畝豕果何人

織縞頰來雪不如萬金敢抵一封書寒鄉見說裝綿早
贈知君寵有餘

業風吹上洛東山多少旁人冷眼看應是鄉情猶未忘擬
裝牛糞作梅檀 畲西光彭大年

令弟參禪似雪峯三登九到飽西東病翁不敢輕瑀鰲
店曾經伴禽公

劫灰重掃建幢竿談咲功成屢萬間節月却添塔下竹工
夫那得暫時閑 追和節月軒舊韻賀臨川古劍

蒼頭拍手咲何事烏喙唯喋吠何誰少小出游今老大歸
來頂笠鬢絲々 題廣頭侍者扇

徹也何如未徹時娘生眼上帶雙眉桃花一見便一見不
用更論疑不疑

送徹侍者歸省
住山自笑欠資糧辛苦煩君走四方千里長塗風雨裏一
年兩度往來忙

送圓藏主歸相陽
八月六日齋餘入僧堂少坐睡中忽聞窗外叫賣茶
聲偶尔成章歸方丈命毛穎寫于直堂菊符二侍者

同發一笑

隔窓聽得賣茶聲窓內獼猴瞋睡驚露柱燈籠看發咲東
山日午打三更

太傅蒲葵模樣俗武侯白羽指揮忙爭如天樹多陰庇無
意涼人自涼

奉二系相國命題將軍扇
瞳瞳曉日出樽棗海上雲橫匹練長想見上公侵早起朝

天衣滌御爐香

一別忽驚三十年中間淒谷幾推遷今朝試向書中見高

節如山瘦入天 答瑞光芳祖峰

故家兄弟半歸空裏末憑誰振此宗西望日斜回白首四

藤系在集雲峰

千里不齋三月糧一筇尋我擬參方早知父子每傳授省

得迨脚力忙 次韻送招藏主歸相陽

爛木頭開佛面春如何按苦答先人醫王避席藥叉走小

釋迦文再轉輪 次韻蘭江芳首座造藥師像報父

所生母已死多時既去如何救得伊觸破桶箍連底脫酬

恩全在負恩時 送建中和維那歸筑州喪母

老吾住院湏人輔慈母在堂催汝飯拈得東山暗號子不

妨鬢蒼老萊衣
小師昌季還鄉省親
風塵漢、鬢絲、詩國丹心只自知
巴草未醫驢子瘦更
添詩瘦最難醫
少陵
金盞夜宴醉婆娑
力士曾親手脫靴
那料華陰山縣去蹇
驢破帽破誰何
謫僂
續宗庵主蜜傳法
兄天資道器故
先老國師以道
者稱之
自尔隨慶山林以道自牧
近年在播之瑞光
主
先師塔自董土木之後
及于功成以衆攸推
居
茅一座
今夕冒雨惠然訪予
東山夜話敘舊達旦告
歸出紙請為蜜傳說
予曰既稱蜜傳矣豈容予說乎
姑為一偈以奉謝云
口頭說去非真說
紙上傳來豈蜜傳
好在西窓秋雨夜青

燈白髮對床眠

桃李爭春各自忙
一枝水雪為誰香
嶺南樵子盧行者傳
得黃梅第一芳
謝守玄參頭惠龍梅

老演曾吟小艷詩
烏窠只把布毛吹
爭知獨坐梅花下
月

落鐘鳴夜漏遲
和韻贈清崇侍者

征途北望兩山青
隱、樓臺出杳真
寄謝雲間高臥者
回
程有約叩幽扃
攝陽途中望勝尾
箕面二山

水生谿澗路難通
人馬爭舟急似風
逢著明公濟川手
小
僧省得笠浮空
生瀨渡遇玉堂相公而作

夜半浪、風雨鳴客床
起坐夢難成
曉來揜點檣前滴
元
是崖根篔簹水聲
抵溫泉館夜半睡覺聞篔簹水

偈謝一關夫首座送馬、乃駿河水中奇產
茅愧賞

音非支道林耳

故人近况一封書，荷重難酬愧計疎。人道得牛合還馬，我今得馬欲何如。

柏庭歸京過西宮，觀俗所謂釵珠者。余以疾不能同行，終偈奉贈。

袖裏摩尼一顆圓，靈光夜射九重天。若從沙竭宮中過，龍女神珠不直錢。

三月十四日，忽雪霰友集而後雨，作詩記之。

三月溫山雪乍飛，湏臾變作雨霏霏。陰晴慣看人間事，未怪天公弄化機。

楊花漠漠逐風飛，洗眼看山向夕霏。謝汝道人來問恙，客床相對共忘機。

次韻謝昌謹藏主訪

與汝往來者是藏，中畢竟是何弥勒。一顆無人識定，價能酬更幾人。

送昌謹藏主歸關東。周善書記乃吾室中范孟博也。特來輦下省予，手持官寺適值予謝事及于府檄追還，再領寺事復來為

畱一旬，乃焚香告歸。南陽舊隱出紙需語，卒作一偈。填紙贈而囑之曰：

病來輦寺任何堪，千里曹尋雲臥菴。煩汝歸山種黃獨，待吾歲晚理長鑱。

偶從松下携琴去，還向梅邊覓句來。擡首上方相雨外，日斜塔影倚天開。

題屏風四景。何處漁舟理釣絲，晚來風雨得魚遲。人家隔在垂楊岸，一簇炊烟映酒旗。

江上青楓葉半黃使人歸思憶南陽二年不踏亭前路夢
浙空山月在床

暮雪催歸路轉遲先生曷不跨驢兒步行自有山童引扶

過溪橋不怕危

似嶺南人姓盧題歸樵圖

父母恩深未易忘出家何以報存亡老盧不憚墜腰重辛

苦傳衣續祖芳送道芳頭陀蓆父省本師空谷

帝師舊隱是丹丘歸去先須話曩游一片樵陰今夜月清

光多却昔年秋送首專道者歸丹丘

楊岐栗熟翰林秋祖意拈來在筆頭若不

和蓬吞得過空

門何以報珎投謝翰林學士惠栗



